

肺癆中西合纂

味朝署



溫州府圖書館

WENZHOUBIBLIOTHEK

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.



温州市图书馆

WENZHOU LIBRARY

## 肺癆中西合纂敍

自世界愈趨於文明則肺癆之病愈多嘗見近世之士莫不講衛生之學而往往以患肺病而亡是故肺癆之書於世尤貴而治肺癆者尤易擅名於時吾姊丈虞君軼軒編有肺癆中西合纂一書君讀書強識而精於醫尤專治肺癆研究中西諸家之書凡三十年其引歧伯之說謂精氣上注於肺肺氣從太陰而行以息往來而引西說則云心與肺之兩機能相輔而行無時可己其引蘇遊之說謂傳尸之候由腎而心而肺而肝而脾而引西說則云人體內之各臟器蒙結核黴菌之侵害發生各種症狀其引張景岳之說謂脈漸緩則漸有生意汪石生之說謂病見數脈多難治療而引西說謂發熱羸瘦衰弱等增進之時則細小軟弱脈數增多其引裴兆期之說謂氣根於息息調則氣調而引西說則有深呼吸療法使炭氣易於外出其引謝洪賚之說謂患肺病者宜努力恆處戶外自由之清氣中而引西說則云肺病療養所處置病人要令其棲息於屋外其爲書分兩卷標厥名義考厥原因究厥病理推測其傳染之由審察其症候發見之期表明其診驗之法而附以方定厥脈法示厥豫後詳厥攝生療法種種不一藥

品療法種種不一未復分晰各種結核之病原與治法及處方君每引一說或附案語而參以己意或不附案語引他說而兩說可以互見列總論於首結論於終更佐餘論以其於中西諸書竭畢生之精力以會厥通奧論名言宜乎無或不備則誠能集治肺專家之大成而爲近今講求肺癆者所宜珍爲善本也顧予聞歐人每治一學輒發明一新法以求進步近代科學日漸發達而人生肺病亦異而月新卽療治之法不能不隨時而改變君能徧讀黃帝之素問漢張仲景之金匱唐孫真人之千金方於宋以下諸醫家所著之書無勿覽並採德人古弗氏與海爾雷兒氏美人克諾夫氏之說互相參證而獨惜其未習拉丁但資譯本數種以考求則取材尙有限邇來德柏格士用最新醫理發明肺癆菌脫蠟殺滅法名曰三那星 SANDSON 此藥有滲透肺病竈之結核及溶解蠟質之作用兼具有殺菌力能根治一二期之肺癆確有萬試萬靈之特效君殆未之見耳使君尙在而及見此新法其所採輯者當不止此我爲君悲悲君生平窮其力以著此書而苦於未諳英德之文末由取原書而證之與及見近今新發明之法悲君家有負郭之田而儻然一身中壽遽歿未獲入醫學以究西書發明一種治肺

溫州不備

癆之新法以救世而僅藉此區區兩卷撫他人之餘論以自存豈非生平之大憾也耶  
中華民國二十年四月三十日內弟高 誼撰

Faint vertical text within a large rectangular border, likely bleed-through from the reverse side of the page.



温州博物馆

WENZHOU LIBRARY

# 肺癆中西合纂

樂清

虞紹堯

益僊

## 總論

肺癆一病中西異說中曰虛勞西曰結核中曰勞蟲西曰細菌中曰父母之遺傳西曰  
癆菌之傳染說雖不同理則一也素問云脉虛氣虛尺虛是謂重虛金匱謂之虛癆蘇  
遊論謂之傳尸千金方謂之風勞古今醫鑑謂之損勞聖惠方謂之急勞古今醫統謂  
之熱勞和劑局方謂之血風勞儒門事親謂之勞嗽丹溪心法及三因方謂之勞瘵命  
名各殊實皆肺癆也自西歷千八百八十二年德人古弗氏發見此病爲一種結核桿  
狀菌由呼吸侵入肺臟散播毒素而起因名曰肺結核第驟語以結核名詞恐人以少  
見多怪不如以肺勞命名爲雅俗共賞也

## 勞蟲與肺結核之名義

葛稚川曰鬼疰者是五尸之一疰又按諸鬼邪爲害其變動乃有三十六種至九十九  
種大約使人寒熱淋漓沉沉默默無處不惡以致傳染急取癩肝一具陰乾杵末服方



寸七日三服未效再合此方神良或用獺爪屑爲末酒服則愈

水邱先生紫庭方云傳尸伏尸皆有蟲須用乳香薰病人之手乃仰手掌以帛覆其上熏良久手背上出長毛寸許白而黃者可治紅者稍難青黑者不治若熏之良久無毛者卽非此證屬尋常虛損證也又法燒安息香令煙出病人吸之嗽不止不嗽非傳尸也

辨勞蟲法面色乍赤乍白乍青乍黃唇口生瘡聲嗄咽癢煩夢不甯或腹中有塊或腦後兩旁有小結核或食豆而香

蘇遊曰傳尸之候先從腎起脛疼腰急脚弱耳鳴夢洩汗痿腎既受已次傳於心心驚心懸夢見亡先盜汗食減口瘡心煩嗜眠頰脣紅赤有時五心皆熱心既受已次傳於肺時時咳嗽有時喘氣臥卽更甚鼻口乾燥有時惡心肌燥或刺痛肺既受已次傳於肝兩目膜膜面無血色目乾或痛或睛黃夜睡不着肝既受已次傳於脾兩肋虛脹食不消化又時渴利熟食生出腹或痛脹毛髮乾聳或上氣喘息利赤黑汁至此候者將死之徵也

溫州府立醫院

WENZHOU LIBRARY



沈存中良方云萬融病勞寒熱煩燥孫元規使人遺藥曰明月丹用望月砂四十九粒  
 礶砂如兔矢大四十九粒爲末生蜜丸梧子大月望前以水浸甘草一夜五更初取汁  
 下七丸有蟲下急鉗人油鍋內煎殺不下再服

陳自明治一女久病勞瘵爲尸蟲所噬磨服紫金錠一粒吐下小虫甚多更服蘇合丸  
 則愈

西醫謂人體內之各臟器蒙結核黴菌之侵害發生各種病的證狀其總稱曰結核乃  
 古弗博士所發見者也

吾人身體內之臟器結核均能侵襲能堪其侵襲者則無之結核之侵及臟器以肺臟  
 爲最易占各種結核病之九十以上喉頭腸腹膜肋膜淋巴腺泌尿器生殖器其次之  
 各種結核其上均冠以臟器之名例如肺結核喉頭結核腸結核腹膜結核肋膜結核  
 淋巴腺結核泌尿器結核生殖器結核腦膜結核骨結核關節結核脊錐結核全身粟  
 粒結核等

其結核初生時最小非肉眼所能見迨病變進行而始增大小者如粟粒大者如蕪實

或如小梗在各臟器之表面或在各臟器之切開面自其周圍稍稍隆起或分佈如散沙或互相集合而成腫瘍狀之大結核此結核之名所由來也爲結核原因之下等植物謂之結核菌

### 肺勞之原因

千金曰肺主魄魄者肺之藏也鼻者肺之官也外主氣內主胸與乳相當肺重三斤三兩六葉西醫謂肺五葉兩耳在氣爲欬在液爲涕五行屬金與大腸合爲腑其經手太陰與手陽明爲表裏其脈浮相於季夏旺於秋太過則令人氣逆而背痛慍慍然不及則令人喘呼吸少氣而欬上氣見血下聞病音

又曰凡肺勞病者補腎氣以益之腎旺則感於肺矣人逆秋氣則手太陰不收肺氣焦滿順之則治逆之則亂

證治要訣云五勞皆因不量才力勉強云爲憂思過度嗜慾無節或病失調養積久成勞其證頭旋眼暈身疼脚弱心怯氣短自汗盜汗或發寒熱或五心常熱或潮熱或骨蒸夜多惡夢飲食減少此皆勞傷之證也

西醫云德國名醫古弗氏於一八八二年攷得肺病之源確因肺中生一種細菌其形如桿故曰桿狀黴菌與菌同爲寄生植物而甚細小或爲直綫之形或稍彎曲兩端略圓

患肺病者咳出之痰有無數桿狀細菌痰乾則細菌與灰塵共飛於空氣中人呼吸時或飲食時輒自口鼻入肺細菌生長之時更發一種毒質(西名曰托克新)此毒入人之全體使人患熱病而在弱呈肺病之一切現象

肺病有遺傳的素因有空氣傳染媾接傳染食物傳染肺動脈瓣孔狹窄大動脈瘤貧血萎黃病心神過勞慢性氣管支炎糖尿病黴毒癩疹疫咳職業石工玻璃工而起或因他臟氣之結核而續發

### 肺勞之病理

黃帝問曰經脈十二而手太陰脈獨動不休何也岐伯對曰足陽明胃脉也胃者五臟六腑之海其精氣上注於肺肺氣從太陰而行之其行之也以息往來故人一呼脉再動一吸脈亦再動呼吸不已脈動不止

溫州不傷不飲

肺在聲爲哭在變動爲咳在志爲憂憂傷肺精氣并於肺則悲也

西醫云肺臟在胸腔內左右兩側心臟介乎其間右肺分上中下三葉左肺分上下二葉左右兩肺被覆漿液膜（卽肋膜一名胸膜）形如錐體尖端向上基底向下呈灰白色組織如海綿內含空氣富於血管

肺與外界交通之路上爲喉頭咽頭復介咽頭而與鼻腔口腔相連其下爲氣管氣管分左右二支入左右之兩肺漸次分歧如樹枝狀爲氣管支及毛細氣管支末端脹大而成盲囊與肺胞相連續

心臟者使血液循環之機關也肺臟者使血液清潔之機關也心臟之機能若唧筒然一則送血液於全身一則送不潔之液於肺臟使其清潔復將清潔之血液循環於全身知心與肺之兩機能相輔而行無時可已苟一日靜止不死何待

### 肺勞之傳染

巢氏病源云注者住也言其連滯停住死又注易傍人也

西醫云患肺病者之呼氣中未嘗含有細菌惟吐痰噴嚏及別種排泄物中含之

細菌之蔓延大抵以痰爲媒介德國之海爾雷兒氏謂肺病患者之痰一塊含有三億之結核菌故一小時內咯痰一次一晝夜中有七十二億之結核菌自患者體內排出散布於空氣中人多被其侵襲今試假定增殖之速度每一小時營分裂作用一次則二十四小時內一個之菌已化爲一千六百萬個矣其他如患者身體衣服衾帳陳設物書籍器具附着咯痰乾燥後成爲細末與塵埃飛散空中往往有之除咯痰外則有牛乳卽取有結核病之牛乳也飲時若不煮沸消毒則混含其內之菌竄入腸中遂罹腸結核尙有自皮膚或粘膜之瘡面竄入者泌尿器與生殖器因交接而傳染亦有之餘不能盡錄

按醫學正傳以侍奉親密之人或同氣連枝之屬薰陶日久受其惡氣多遭傳染名曰傳屍神妙莫測雖然未有不由氣體虛弱勞傷心腎而得之者輾轉相傳甚至滅門最爲可惡其熱毒鬱積之久則生異物惡蟲食人臟腑精華變生諸般奇狀誠可驚駭又葛可久說傳尸勞各期之蟲狀當時中國無顯微鏡尙未發明結核菌而吾國古人已知惡蟲之食人臟腑其理想之高後人亦宜崇拜之

溫州府立圖書館

又按紫庭方云九蟲之內三蟲不傳蓋蝟蚰寸白也其六蟲或臟種毒而生或親屬習染而傳大抵一旬之中徧行四穴週而復始病經過木氣而生立春一日後方食起三日一食五日一退方其作苦百節皆痛是虫之食也退卽還穴醉睡一醉五日其病乍靜退醉之時乃可投符用藥用北斗符凡一虫在身中占十二穴六虫共占七十二穴傳之三人卽自能飛此種理想似與西醫細菌增殖速力偕灰塵飛散空中兩相髣髴也

肺勞之證候

水邱先生曰癆瘵之證如夜夢鬼交遺精自泄夢寐不安或夢亡先思量飲食食至不進骨節疼痛五心煩熱顴臉時紅肌膚不潤大便秘澀或時溇利項生瘰癧腹中氣塊鼻口生瘡咽喉不利仰臥不得或時氣喘涕唾稠黏吐痰惡心咯血痰嗽骨蒸盜汗瘦削疲倦常懷忿怒平且病減午後病增咽痛失音擡肩喘息若瀉不止則難治矣

西醫云爲頑固性之咳嗽含膿球血液結核菌及彈力性纖維之咯痰肺之水泡音聲音震顫強盛咯血胸壁陷沒鼓濁音空洞音鑛性音盜汗下利食思缺乏日晡潮熱肌膚蒼白全身衰弱

結核本態多屬慢性病其急性者有僅經過三四月或三四週病遂蔓延兩肺猝然死亡其慢性者有經過數年或十數年以上遠至數十年者亦嘗見之又病限於一部分外觀上似與健康者相同仍克全其天年肺結核之病勢或進行或停止或緩慢或急劇或可期治愈或因是死亡其間種種階級揆厥所由基於其人體格素質之良否攝養醫療之當否也

第一期（肺尖加答兒期即初期）此期徵候多現於肺尖而以肺尖之右側爲最其患部呼吸音微弱不帶純正之肺胞音或極粗烈或現不定性有時起斷裂性呼吸音此時令患者咳嗽則於咳嗽之瞬息間多聞無響性水泡音蓋肺尖之外有先發於肺之下葉者亦有在兩側乳房部者其證狀呈倦怠心悸亢進食思不振思考力與勇氣之減弱頭痛不眠略有動作便起疲勞之態全身發熱咳嗽或於痰中見血頰紅

第二期（浸潤期即確定期）初期加答兒狀肺勞尙難確定至此期而肺勞之象已明其肺臟組織起結核性浸潤設行打診其音非短即濁多帶鼓音行聽診則吸息微弱呼吸延長每帶氣管支音且起中等以下之水泡音而於患部之聲音振盪則尤旺

盛其證狀漸次羸瘦患貧血時起胸痛運動時呼吸促迫胃部有飽滿壓重之感發熱盜汗咳嗽頻作然無咳嗽者亦有之咯粘液膿狀之痰痰中帶血有多量之結核菌第三期（空洞形成期即完成期）肺受侵蝕達於極點肺臟組織崩潰成爲空洞患部盡陷沒呼吸之際全不運動打診時音極朗且低帶鼓性音空洞若爲出泌物所充滿則發虛音能空洞巨大則音響變換或因患者之位置變換而高低其音調或空洞鼓音於吸息時爲高調呼息時爲低調之現象也其他有破壺音爲一種特異之鑛性打診音在聽診時現高調之氣管支音及空甕性呼吸音吸氣多銳利聞多數之煮沸性大水泡音又帶中水泡音其證狀咯痰含膿狀消耗熱咯血頻數咳嗽空響呼吸困難形體瘦削達於其極

第一期往往治愈

第二期在可治不可治之間

第三期多不治

### 肺勞診驗法

中醫以乳香薰手已見前篇究竟有無效驗尙不可定西醫最新試驗肺勞之法乃用勞菌製成之液針入皮膚之內 如其人患有肺勞無論若何輕微即能起紅腫等狀



是爲反應否則全不反應曰接種法中醫用乳香熏病人之手良久手背上出毛有白而黃亦有紅者亦有熏之久而不見毛者似與西醫之試驗法同

批爾開氏切種刀試用法

先以酒精拭前膊之皮膚殺菌而以左手自後部握之

稍緊張其皮膚以右手拇指及示指持切種刀（預浸刀於酒精中點火滅菌）直立於其上輕捻轉之則上皮微傷但不可使出血如斯者共四處於第一處用資佩爾苦林

TUBERCULIN

原液於第二處用四倍稀釋資佩爾苦林溶液於第三處用十倍稀釋資佩

爾苦林溶液各點下一滴稍使乾燥而放置其第四處以備對照資佩爾苦林滴下處發赤十二時至二十四時後達於極度呈邱疹狀以指端觸之知其隆起而第四處無異狀則爲陽性反應（按肺結核早期診斷法以此法爲最簡便惜今醫生用者不多也）

資佩爾苦林液共分三種如左

第一液 資佩爾苦林原液

第二液 以第一液一、〇化餾水

三、〇而成卽百分之二十五也

第三液 以第二液二、○內含原液○、五化餾水三、○而成即百分之十

也

一說其法以○、五%石炭酸水 CARBON WATER 稀釋舊資佩爾苦林為二倍液或四倍液

而用之或用純粹者亦可以此舊資佩爾苦林移植於前膊之內面與種牛痘之方法同若患結核性者則移植後平均四十八時於該部位呈浸潤最為顯著發生邱疹或水泡

又莫洛氏皮上反應 其法以舊資佩爾苦林及無水刺納林

等分之軟膏塗抹於結核病者之胸部皮膚塗抹後大約二十四時至

二十八時於該部位生粟粒疹或水泡樣

按此法尤簡便凡屬醫生皆能用之

肺勞脉法

脉大而無力者為陽虛 數而無力者為陰虛 脉大而芤為脫血 脈微細者盜汗

寸弱而軟為上虛 尺軟澀為下虛

張景岳曰無論浮沉大小但漸緩則漸有生意若弦甚者病必甚數甚者病必危若以弦細而再加緊數則百無一生矣

汪石山曰大凡病見數脈多難治療病久脈數尤非所宜咳而脈數火尅金也

西醫云肺勞之脈搏無特別現象（健康之成人一分時七十五搏內外）惟稍形疾速而已發熱羸瘦衰弱等增進之時則細小軟弱脈數增多

不治脈證 形瘦脈大胸中多氣者死瀉而加汗者死身熱不爲汗衰不爲瀉減者死嗽而上喘下瀉者死股肉脫盡者死兩邊不得眠者多死五旬以下陽痿者多死勞久而嗽血咽疼無聲此爲自下傳上若不嗽不疼久而溺濁脫精此爲自上傳下皆死證也

肺勞豫後 預料其以後之結果也

肺勞病難望全然治愈惟肺勞病竈爲結締織所圍繞或爲石灰化時則能防遏病勢之進行故攝養得宜自能逐日佳良斯時於臨牀觀察雖得謂之治愈然此由患者之體質生活之狀態及年齡等大有差異故肺勞之豫後大概不良

肺勞之攝生療法

此病無特殊之療法注射最新資佩爾苦林奏效較速確有一定之效力而血清注射近日雖已流行效果不盡確實病者慎勿爲其所欺也

裴兆期曰凡勞心勞力之人須時時偷閒歇息以保既耗之元氣蓋氣根於息息調則氣調氣調則一身之中無不流通四達百脉安和神情清泰雖勞不甚苦人矣

調息之法端點靜坐隨境澄心口目俱閉上於鼻中徐呼徐吸任其自然勿得作意思維若着力太重反使本來不息之眞室而不利 按此說乃修真妙旨與近日西醫深呼吸略同

一深呼吸療法

患者宜在戶外背牆直立以兩膊緊貼牆面緩緩吸氣至吸足爲止心中暗數天地人三字數畢緩緩呼出初練之時卽宜如此每日朝夕宜練二次每次練深呼吸四五回足矣越七八日每次漸增深呼吸之回數至十餘回凡吸氣時宜緩擡兩臂隨吸隨擡擡至平肩爲止呼氣時宜將已擡平之兩臂緩緩落下隨呼隨落落至挨身而止再越數日吸氣時宜擡臂過頂以兩臂直立爲止因兩臂既高舉則胸

廓自大容氣自多呼氣時兩臂落下則肺中炭氣易於外出也練此法無論臟腑何病練至數月吸氣之能力必較從前迥異更能增血內之紅血球及血色素全身之新陳代謝亦日益旺盛爲卻病之妙法惟咯血時不可練此法僅可用空氣療法

### 二空氣療法

空氣爲攝生最要之法約有七端山林及海上之空氣最清潔一也

村落之空氣較清於街市二也屋外之空氣較清於屋內三也八數寡少者之空氣較清於人數之密集四也工廠多之地方其空氣多含煤烟五也草木盛之地方其空氣不混塵埃六也砂多之處風強時塵埃必多七也

日中常安臥於庭園屋簷廊下等處尤宜坐臥於樹下樹間室中窗扇全開有風雨則視風雨之方向閉其一面或二面夜間臥室以開窗二面爲宜惟炎夏以外但開一面足矣

日光雖衛生所必要然不可直接當於頭部胸部等恐有頭痛咯血發熱故也患者安臥室外必設適宜之日障運動之際必用日傘第朝暮之日光或冬日可愛均不在此例

溫州府立圖書館

三氣候

今日醫學進步始知空氣療法主要在空氣之新鮮清潔不在氣溫之高低地方之爲海濱與否

(甲)海濱高山空氣均清新但海濱空氣酸素之量較多高山空氣富於電氣性

(乙)海濱之平均氣溫高其變化不急劇高山之平均氣溫低其變化較劇 (丙)海

濱之日光反射甚強高山之日光直射甚強 (丁)海濱濕潤平均溫度甚高而變換

較少高山乾燥平均溫度甚低而變換較多 (戊)海濱之氣壓高高山之氣壓低

(己)海濱有海風高山有山風 如上所述海濱與高山之情狀種種不同及於患

者之影響亦隨時而異

肺勞患者遷居於海濱後則精神爽快食思亢進咯痰較易遷居於高山後則精神發揚因氣壓低而精神活潑但山過高恐變爲呼吸困難海濱適於患重證高山適於患輕證要而言之病者遷居於海濱高山而行療養須在病之初期無待他人之扶持而得自到其地者方可若病勢進行起發熱咯血下利等候身體極衰弱則於自家宅內附近空氣清潔之場所爲佳

溫州圖書館藏

不論何種病狀若僅患者一人獨行轉地療養爲他鄉孤客感慨百出徒勞精神病必增劇故遷居之時須以家族相伴方有樂境轉地療養至少須數月或一年以上以疾病恢復爲止若僅滯留一二月於精神之轉換雖稍受佳良之影響而於本病則效果未著故轉地療養非有財產者不能行若貧者擇空氣稍清地療養亦收良果

#### 四營養

狄德氏曰營養療法之有效無效全憑消化力爲判斷當初期試與某物覘其有無變異然後隨其腸胃虛弱之程度以機警敏捷之手段加減烹調之法據前次食事之結果爲法戒而酌定再次之食單病人御食分量宜少次數宜多所定穀羞貴混和多數之脂肪及含水炭素並酌加香料野菜各種皆宜甘酸兩味亦所不忌毋專食燒肉白肉雞卵等致偏於一味其說最爲切當

按於狄氏少其分量多其次

數外尤須日日變換食品以免生厭

飲食爲治肺病之要著必先留意左述諸條

(甲)凡食物須爲滋養性易於咀嚼且易於消化宜混食禽獸肉類魚類牛乳等物及米麥菜蔬等應從患者之所好而烹調之

(乙)烹調之法務求適口不可日日食同樣之穀饌否則食思不振食量自減

(丙)米飯宜軟不可過硬亦不可過量

(丁)食事之度數有肺病者每日食五回爲良時刻規定以後不可更改免致消化之障礙

(戊)牛乳爲肺病最良之滋養品飲時必徐徐嚥下又必煮沸而飲之

摘錄名醫攷定之食表

早餐

麥糊一小碗

雞子一枚

麵包切麵可代

火腿一英兩

牛乳一中碗

英兩卽中秤一錢五分

小食

牛乳一中碗

或麵包一二個

午餐

肉類二英兩

米飯

菜蔬

牛乳一中碗

小食

牛乳一中碗

麵包

乳酪肥肉可代

晚餐

肉類二英兩

如獸肉雞肉魚肉等

菜蔬

麵包或米飯

牛乳一中碗



臥前或晨起之前各服牛乳一中碗

(注意) 中食晚食或用麵包用米飯聽患者自便

下利者將麥飯代米飯豆腐類可常用

牛乳 增加脂肪旺盛體力最適於肺病但當煮沸而行殺菌消毒法

煉稠乳 以美國製鷺牌爲最高品質佳良然有二三種之偽造物購買務宜注意

雞卵 據霍意篤氏之檢查雞卵一個其滋養分與四十瓦之牛肉或百五十瓦之

牛乳相等食雞卵以半生半熟爲佳煮純熟者難消化

牛肉 內含之卵白質平均百分中爲二十分則食富於脂肪之肥肉爲佳但能誘

起下利食時尙宜注意或煮或炙或蒸均可

猪肉 蛋白雖少有富於脂肪然調理失宜多惡劣不易消化終不如牛肉之可常

食

雞肉 蛋白質百分中含二十分滋養不劣於牛肉惟消化較難食時擇柔嫩之肉

善調製之則味美而適患者之嗜好

按鵝肉能升發凡咯血者最忌

魚肉

味淡白易於消化各地能購食海魚河魚均屬滋養物擇其新鮮者爲良第

鰻鱧鮭魚之肉不宜多食

貝類之中惟蠣肉尙良蝦蟹蜻蛤等不佳稍食之尙無大害但恐誘起痰嗽

按中

國本草以鰻魚能治癆因其油多故也

蔬菜

野菜之效能在葉綠素人體攝取葉綠素以蔬菜類爲最適當如芹菜白菜

芥菜菠薐菜萵苣甜菜紫菜等皆良他如南瓜絲瓜冬瓜馬鈴薯之柔軟物亦得登諸

食棹之上其薯蕷百合慈姑富於卵白質胡麻落花生富於脂肪豆類多蛋白因消化

難而擇半熟之新鮮品若乾燥者非注意製調不可

豆腐

全部由植物性蛋白與脂肪而成消化頗易名爲植物界之牛乳但腐敗最

易購人之際擇其新鮮之品爲要

魚肝油

取大口魚屬之肝臟爲一種透明之脂肪油呈黃色有特異之腥臭爲各

種脂肪酸與膽汁成分之混和物此外含僅微之沃度貌羅謨鐵及諸種之鹽類凡形

體衰弱之肺癆患者飲之最爲適宜飲用當在食後一日二三回每回自一茶匙漸至一食匙空腹時不宜飲若嫌臭氣難服卽買今日所製之魚肝丸吞下亦可如患者消化不良嘈雜惡心嘔吐或下利者則飲用宜中止

參茸著朮 有虛名而無實效皆溫補之藥切勿購服

酒 有紹興高粱燒日本酒麥酒葡萄酒白蘭地酒等稍飲之則助胃消化爽快精神對於盜汗不眠均有卓效惟咳嗽咯血喉疼均不可飲若多飲則嘔吐眩暈譫語昏睡

煙類 烟草中含有煙草精之毒物稍吸之能爽神增食過度吸之則刺激呼吸器粘膜并刺激口腔粘膜使食味不佳起頭痛咳嗽等證素有煙癖者當徐減其量終至不喫爲宜有咳者尤當嚴禁

茶 性微寒以淡者爲佳濃者恐誘起濕痰

果實 食後稍食之有天然之清涼美味亢進胃之消化機能然未熟者與腐敗者食之有損腸胃時或起下利腹痛食過多者亦然

茶食 中國茶食含糖分最多食之有害腸胃西國做効我國含糖分亦多就衛生上而論宜食淡泊者

飴 非砂糖即麥芽糖影響於腸胃較少略有滋養之功故嗜甘味者食之頗佳

五鍊固皮膚 此法強壯皮膚之抵抗力使之不罹感冒凡衰弱者先行乾性摩擦法以避寒冷及至皮膚鍊熟然後行濕性摩擦法

(甲)乾擦之法每朝在褥中用毛巾或棉巾自頭面至頸及腹背上肢下肢強力摩數次至皮膚紅色溫暖爲度擦畢仍臥褥中片時

(乙)濕擦之法以毛巾濕水如前法摩擦皮膚約二分鐘速將乾毛巾用力擦燥滌其水分仍臥褥中約十五分鐘即出此法行後恆覺爽快若感冒惡寒或咯血婦人經期喉病均不可行此法

冷水浴海水浴雖可用於強健之患者然直接爲肺患者亦多宜勿用之

爲去皮膚之污物脂肪求身體之清潔則必溫浴每週浴一回乃至二回其時間不可過五分至十分其溫度以攝氏三十五度至四十度爲良出浴之時速以乾巾擦燥乃

着衣安臥半時以靜養之

六安靜及運動

凡發熱者咯血者衰弱者除大小便外終日安靜身體勿運動爲

要

(甲)散步中發汗或心悸亢進呼吸短促身覺疲倦卽爲運動過度之徵速卽中止而休息

(乙)散步之目的仍爲攝生弗可有他目的例如執意欲到某地方則易過度矣

(丙)與他人同行則易過度故患者宜執自身之狀態

(丁)風強塵起之日不可散步

(戊)無風之日雖雨中不妨散步但宜用雨傘雨衣以防潮濕

(己)散步時須從天氣之寒暖隨帶衣服以便休息時着用發汗後休息尤要

(庚)凡散步以外之時間安臥或靜倚於椅上爲宜

(辛)中膳晚膳前十五分鐘乃至三十分間宜靜息不宜運動

(壬)散步後發熱者宜速就褥

(癸)不可登高山不可急行不可爲過劇之運動

患者如覺體力大復營養極佳而尙有咳嗽咯痰及他證候者除散步外切勿輕從事於體操乘馬乘腳踏車打彈子舞蹈等恐乘興而行易於過度

患者無咳嗽咯痰病徵二三年者始可行上述之運動猶當細心注意勿使過度

其餘靜息之時可讀歷史類旅行記滑稽雜誌等以慰無聊慎勿閱言情小說偵探小說等易惹精神感動之書并不可用圍棋象棋爲遊戲

七住居 土地濕潤之所空氣不潔之所飲水不良之所陰鬱而少日光之所空氣

不甚流通之所健康者尙不適宜况患肺病者乎

病室宜廣大而高日光時常射入夜間須開窗戶之一部室內不可藏絨氈毛布等致易生塵埃室內掃除宜移患者於他室病室起臥之人不可過多看護人亦不可過多  
冬季病室宜溫夏季宜通空氣病室內煮炙食物或吸煙均足污染室內之空氣尤當嚴禁

謝洪賚曰常人不可少眠病肺者更宜多眠如每日能眠九時或十時亦不嫌多夜間

九時必須在牀任遇何事切勿熬夜

壺隱按平人晝眠於起時目紅羞明蓋因晝眠血絡不調惹傷血分也若夜眠則一陰來復所以早起目清而爽快也

八被服

病肺者易發汗一着重衣發汗愈易感冒亦愈易皮膚弱則體亦弱故病肺者宜養成少穿衣之習慣頸卷能柔弱頸部之皮膚決不可用

襯衣以毛織或木棉爲佳須時時更換而洗濯之

寢具最易污染病毒宜覆以白布時時更換洗濯曬之於日光中

九精神療法

精神有莫大之影響及於人體日本人名病證曰病氣卽謂病自氣而生之意也吾人既罹病後一切因氣而發病之事均當避之因氣而除病之事均當爲之此卽精神的療法之原理也

患肺勞者聞醫師診斷爲肺勞病卽如得死之宣告書日夜憂鬱致病勢增劇因之死亡固屬愚甚醫者亦須體諒不必當面直言天下之人莫不有死不過有早晚遲速之分耳患者當持此主義置死生於度外設法調治雖在病牀絕無畏縮是卽根本之精

神療法也

世間人往往迷信鬼神徒事祈禱符咒悉廢醫療衛生之法流弊不可勝言若能信仰正當亦將利用祈禱爲慰藉患者之舉兼施醫療衛生則爲無害有益之事醫者慎勿抱無鬼滅神之論將信仰祈禱者任意吐罵使患者迷是非之判斷起不安之念也處順境之患者宜放棄家事安心養病絕不可因無聊而起種種之妄想徒勞精神凡消遣之物如名勝圖繪旅行記詩歌文集等讀之無害至於稗史小說易感動精神頗爲有害不宜翻閱

謝洪賚曰戒烟酒遠房幃一切嗜好均宜節制凡操心過度用力逾限及憂鬱忿怒等劇烈之感情俱宜戒除存心中正和平起居安詳有序未成婚而患肺勞者至少須待痊愈後二年方可成婚女子尤宜謹慎因患勞者而生育則生命難保此說平人守之皆可卻病延年在病肺者尤爲治本聖方切勿視爲老生常談也

藥品療法

一攻治勞蟲西名細菌

温州不周公館



楊仁齋直指方云瘵蟲食人骨髓血枯精竭不救者多治療之法大抵以保養精血爲上殺蟲次之用安息香蘇合香阿魏麝香犀角丹砂雄黃皆爲驅伐惡氣之藥亦須以察病而行乎其間蓋尸蟲者注氣也伏而未起故令淹纏得枯骸枕骨治之鬼氣飛越不復附人於是乎瘵他如虎牙骨鯉魚頭其亦枕骨之亞乎 壺隱按獺肝狸骨銅鎖鼻獺爪虎爪鰻骨治勞蟲自古雖有其說究無特效楊氏用香類犀麝等品或芳香解穢或通靈逐邪皆以尸虫之有靈也當時未有顯微鏡故以傳尸爲虫今日西醫發達不曰父母之遺傳而曰細菌之傳染蓋中醫惟憑理想西醫確有實驗也

唐容川曰虫爲風木之氣所化肝有瘀積風氣蒸煽將瘀血盡化爲虫用乾漆雄黃川椒揀根皮白頸蚯蚓升麻鬱金共爲末白湯五更時服其蟲不吐卽下以虫乃瘀血所化治瘵是治其本也或用移尸滅怪湯但勞虫既生精血日耗月華丸亦主之義取補虛而去瘀殺虫兼施或鰻魚骨鱉甲知母山萸柴胡當歸青黛桃梟爲丸人參湯下亦攻補兼行之術既殺虫後陰虛者十居八九瓊玉膏加知柏海參陽虛者十之二三六君子湯主之 壺隱按此法治虫尙屬未定而以此法治乾血勞似爲適當其證必

溫州圖書館藏

見骨蒸勞熱肌膚甲錯皮起麵屑名乾血勞此病十治二三仲景大黃蠶蟲丸治之是去瘀血方能生新血也

移尸滅怪湯

山萸肉三錢 人參三錢 當歸三錢 蠶蟲一錢 水蛭一錢

晚蠶沙三錢 乳香三錢 蜜丸 日服三次共重一兩七日而蟲滅迹

大黃蠶蟲丸

大黃一錢 黃芩二錢 甘草一錢 桃仁三錢 杏仁三錢 白芍一錢 乾漆一錢 蠶蟲一錢 水蛭三錢 蠶蟲二錢

蟻螬二錢 地黃二錢 蜜丸酒服

西國常用之藥品如左

碳酸結麗阿曹篤 KREOSOTUM CARBONICUM 本品為透明類黃色之液放竄透明之烟臭故

宜丸古時為肺癆之特效藥

處方 碳酸結麗阿曹篤〇、〇二五 右藥為一丸一日吞三回每回四丸

食後服漸次增加其量至一日百丸服三四週而後漸次減少或遂停止 一說一

溫州不傷公館

回一粒漸次增至十粒須服至三個月之久 按此說頗當前法用丸太多

炭酸卡野古羅 *GUAIACOLUM CARBONICUM* 本品為白色之粉末無臭味易於服用不似結麗阿

曹篤之有臭味多服無害腸胃且能進食培體解熱止汗減咳祛痰為疝勞之最佳品

*GUAIACOLUM CARBOLICUM*

處方 炭酸卡野古羅 四瓦 右分十二包一日三包作四日服食後服

一日之用量自一瓦為始每日增〇、二一日量增至五瓦或六瓦之時長持續

而用之

希洛林 *SIRQUIN* 用知阿古羅 *TRIBICOL* 一名知阿克兒 較結麗阿曹篤卡野古羅腐蝕力

皮丁幾 *LIUXT AURANTI* 四、〇 單金 *SCRUPS S.* 11〇、〇 水 11〇〇、〇 右一日

三回四日分服食後 一說每回一茶匙漸次增加其量

二發熱

崔氏曰蒸者是附骨熱毒之氣皆病之危機其蒸有五一日骨蒸其根在腎早涼暮熱

煩躁不安小便黃赤或時腰痛手心常熱

二曰脈蒸其根在心擲手出足翁翁思水或驚恐不安其脉又數

溫州不...

三曰皮蒸其根在肺必大喘鼻乾口燥蒸盛之時胸悶手掩兩脇不得大咳背連胛疼  
眠寐不安

四曰肉蒸其根在脾體熱如火煩躁無汗腹脹食減小便如血大便祕澀

五曰內蒸必外寒內熱把手附骨而熱也其根在五臟六腑骨肉消削或皮燥而無光  
蒸盛之時四肢漸細足跌踵起

唐容川曰虛證發熱分血虛水虛兩類血虛者發熱汗出以血不配氣則氣盛而外泄  
也或夜則發熱以夜主血分故也或寅卯時卽發熱以寅卯屬少陽肝血既虛則少陽  
之相火當寅卯時而發熱地骨皮散加味治之又或胞中之火因血不足上合陽明燥  
氣日晡申時也潮熱者犀角地黃湯治之 水虛者水爲氣之所化水津不足則氣熱  
皮毛枯燥口咽生瘡午後發熱大補陰丸或清燥救肺湯

古今錄驗五蒸湯

人參三錢 生地三錢 石膏三錢 知母二錢 葛根二錢 黃芩二錢 甘草一錢 竹葉二錢 粳米三錢  
小麥三錢 赤茯苓三錢

地骨皮散

生地<sup>三錢</sup> 當歸<sup>二錢</sup> 川芎<sup>一錢</sup> 白芍<sup>三錢</sup> 丹皮<sup>三錢</sup> 川骨皮<sup>三錢</sup> 加銀柴胡 胡黃連 青蒿 甘草等

川芎易隨甲更安

犀角地黃湯

犀角 生地 丹皮 白芍

大補陰丸

知母 黃柏 熟地 龜板

繆仲淳謂陰虛內熱當用甘寒然非多劑不可用二冬桑皮貝母枇杷葉白芍車前各二錢川骨皮鱉甲各三錢五味子一錢

西醫云發熱為肺勞最危險之候故常時須檢查患者之體溫驗熱之有無若有熱候當施適宜之處置

測體溫之法用檢溫針插於腋窩內瘦人則插於口腔總不如腋窩之確實約插十分鐘而後測之每日之回數至少三回發熱劇時檢溫須五回以上

平人體溫約三十六度至三十七度若三十七度以上便為有熱之徵四季寒暖無異惟大汗後須先拭汗液方可檢溫

去熱之法第一安靜身體第二吸清空氣第三注意飲食以稀粥牛乳雞蛋等為宜尋常熱候不必用藥劇烈熱候擇用解熱藥品今舉其主要者如左

處方

別臘蜜童 PYRAMIDON

此藥能解熱肺勞熱腸窒扶斯熱最效能安靜睡

眠意識明瞭然有特異性之人服少許即出汗不止或呈虛脫狀肺勞家須格外注意慎之日本橋本節齋常佐以姜腦酸 合用或用阿斯披林 佐以姜腦

酸以防其弊 一日服一次至二次每次自〇、三至〇、四每在發熱前一時服

阿斯必林方最妥

OSPYRIN

又方

阿斯披林

一、五

ACID. CAMPHORICUM  
樟腦酸 一、〇

分三包每回一包朝時之

體溫與平人無異暮則發三十八度至四十度之高熱名曰消耗熱是由肺臟中化膿之乾酪樣物內有質一種釀膿球菌侵入血液中而起也

此熱多於二期及三期肺勞而始著常以惡寒為其前驅發汗為其終局

溫州不周

熱之種類有四 (甲)亞消耗熱(即亞熱)朝常溫夕升至三十七度八分或三十八度二分經過較佳良多在肺勞第一期 (乙)消耗熱朝常溫夕升至三十九度至四十度經過頗不良多在二三期 (丙)稽留熱或弛張熱經過較前者爲速 (丁)虛脫熱體三十五度三十四度等衰弱殊甚往往致死  
熱之結果使病者心力萎弱食思不振兼加盜汗則心神氣分益形煩悶且促素質之吸收體溫由是升騰

### 三盜汗

心之所藏在內者爲血發於外者爲汗汗乃心之液而自汗之證未有不由心虛而得之陰虛陽必湊故發熱自汗

王肯堂曰虛勞之病傷損陰血衰憊形氣陰氣既虛不能配陽於是陽氣內蒸外爲盜汗灼而不已陽豈能久存乎當歸六黃湯爲治盜汗之聖劑

葉天士治陰虛盜汗不用當歸六黃湯以其味苦不宜於胃也用酸甘化陰法人參熟地五味炙甘草湖蓮子茯神甚安

徐洄溪曰經云奪汗者無血血屬陰是汗多乃云陰也故治汗必用涼心斂肺之藥心主血汗爲心之液故當清心火肺主皮毛汗從皮毛出故又斂肺氣此正法也又云亡陰之汗身畏熱手足溫肌熱汗亦熱而味鹹口渴喜涼飲氣粗脈洪實此其驗也亡陽之汗身反惡寒手足冷肌涼汗冷而味淡微黏口不渴而喜熱飲氣微脈浮數而空此其驗也

沈堯峯曰汗出不止屬氣血兩虛炙黃耆五錢炒白芍三錢歸身二錢炒棗仁二錢炙甘草

一錢炒小麥三錢南棗肉三錢煎服神効

夷堅志曰鮮桑葉焙乾爲末空心米飲調服止盜汗如神

溫粉 用牡蠣 麥麩 麻黃根 糯米粉 黃耆 防風

右研細末夏布包之以撲周身汗止

西醫云肺病盜汗身體益弱發汗之際不盡隨發熱而來在平溫以下發生劇烈之盜汗者有之豫防之法夜間令寢室清涼開窗戶以通空氣寢具不宜過多衾褥宜薄臥床不可過暖若汗猶不止於就寢前用食酢擦拭其身體大都能防止盜汗

溫州不獨



處方

硫酸亞篤羅必涅 ATROPINUM SULFURICUM

〇、〇〇〇五

SUGCUS LIQUIRIT

甘草羔

PULV LIQUIRIT

甘草末

適宜

右藥爲一丸與十九丸臨臥時服一丸至二丸

近時柏林之拉斯開爾氏曾證明卡充仿兒

能治盜汗

處方

卡充仿兒

〇、一一一〇

右藥爲一包臨臥頓服連服八夜至十夜

ACIDUM CARCHORICUM  
樟腦酸

止盜汗亦佳

一一〇

右分二包每晚臨臥服一包

其他以酒精淨拭身體以撒里矢爾酸

ACIDUM SALICYLICUM

二瓦澱粉十瓦滑石八十七

瓦之混合物取少許撒布於其上亦效

按此法與中醫溫粉異曲而同工然中醫用法較勝

四咳嗽及咯痰

活法機要云勞嗽有因久嗽成勞者有因病勞乃嗽者所嗽之痰或濃或淡或時帶血發熱咽乾精神疲倦用薏苡桑皮麥冬白石英人參五味子欵冬紫苑杏仁貝母枇杷

溫州圖書館

葉或保和湯紫苑散甯嗽湯

薛生白謂陰虛咳嗽由金水不相承挹故咳久不愈切勿理肺肺為嬌藏愈理愈虛亦不可泛然滋陰恐滋陰適助其痰也方用石斛叭嚙杏生扁豆勿扞沙參茯苓陸定圃云仿治久嗽陰虧無不獲效 壺隱按有痰加貝母蛤粉海浮石發熱加川骨皮鱉甲盜汗加牡蠣小麥百合山藥

又曰陰虛火炎喉痛失音惟有至靜之品引湯潛入陰中得坎離相交之力為妙

熟地以海石粉拌爛石斛沙參茯苓麥冬白芍龜板山藥 壺隱按加百藥煎尤妙

費伯雄謂肺虛之甚火升體羸咳嗽失血咽破失音此為碎金不鳴證極危險金水濟生丹主之

二冬各一錢五分生地五錢沙參四錢龜板八錢石斛三錢茜草根二錢萆皮山藥各三錢貝母二錢

杏仁三錢以淡竹葉十張雞蛋青一個藕三兩煎湯代水

葉天士治肉消脂涸喘促欲咳不能出聲必踞按季脇方稍有力寐醒喉中乾燥直至胸腕此五液俱竭法在不治援引人身膏脂為繼續之計 人乳汁 真秋石

血餘灰

陰虛陽浮宜介以潛陽法六味丸減丹澤加龜板牡蠣湖蓮或海參淡菜

燕窩

唐容川曰肺爲華蓋肺中常有津液則葉腴潤覆垂向下將氣斂抑使其氣下行氣下則津液隨之而降是以水津四布水道通調肝氣不逆腎氣不浮自無咳嗽之病矣血者火化之陰汁津者氣化之水液二者本相濟相養水不濟火則血傷血不養氣則水竭水竭則津不潤肺血傷則火來尅金金被火尅不能行其節制於是在下之氣始得逆上氣既逆上則水津不能隨氣下布凝結爲痰在下之水邪又得隨氣而升泛爲水飲皆致咳嗽

紫苑散

紫苑人參知母貝母茯苓阿膠五味甘草

保和湯

知母貝母天冬欵冬花粉薏仁五味甘草馬兜鈴

紫苑百合阿膠百部

西醫濕咳有痰者因喉頭氣管等所積之痰自欲咯出而發咳嗽不必抑止之乾咳無痰者有害夜眠或惹嘔吐且直接爲害於肺非勉力抑止之不可抑止之法端在患者

之意志偶覺咳嗽刺激速由意志遏止之則可免於劇咳若任其咳而不抑止則必愈咳愈劇凡抑止咳嗽之外又有他法 (甲)痰多而咳不止者飲少許之溫湯則痰易出而咳輕 (乙)爲塵埃或寒氣發咳者口掩布片防之 (丙)煙易發咳嗽宜謹避之 (丁)空氣乾燥則易咳嗽故寒天用煖爐之時爐上必置水瓶煮沸之使生水蒸氣以潤室內之空氣 (戊)酒類及韭蔥蒜芥子胡椒之刺激食物蜻蛤蝦蟹之生濕鮮味食之易起咳嗽及痰濕決不可食

處方

SALTSURES HEROIN  
鹽酸歌魯茵

治肺勞之咳有良效

本品不可與重曹配合注意

HEROIN

SACCH LACTIS

歌魯茵〇、〇〇五 乳糖〇、五右爲一包與十包咳時服一包

又方

磷酸古垵乙涅 GODEN PHOSPHORICUM 一名口代精 〇、一

杏仁水 1〇、〇40 PRUNI ARMENIACAE 1〇、〇

右藥爲滴劑咳時每次用十五滴和於一盞水中服之

TINCT IPECACUANHAE

SPIRIT AMMONIAE FOENICULATUS

又方

吐根丁幾 四、〇至六、〇 安母尼亞茴香精

溫州不傷書院

歌魯因十分散

四、〇至六、〇 AO PRUNI ARMENIACAE 杏仁水 一〇、〇

〇、二至〇、三 磷酸古埤乙涅可代

水二〇〇、〇

右一日三次二日分服食後開水化服若兼發熱可阿斯披

林 〇、六

此方治咳最効

Faint, illegible text visible through the paper, likely bleed-through from the reverse side of the page.



温州博物馆

WENZHOU LIBRARY

附錄

肺癆療法之新發見

(德國肺病療養雜誌抄譯)

何謂肺癆菌

肺結核菌(即肺癆菌)係桿狀之細菌其體形真直或稍彎曲長徑約一迷達之百萬分一五非肉眼所能見據一定之方法以熟練之手段製爲染色標本用六百倍至一千倍之顯微鏡檢視之始克窺知實爲極小之物也

古昔之時中國名之曰癆咳蟲現今則人皆知結核菌爲肺病之虫不屬於動物界之系統蓋吾人之周圍有無數之下等微生物存在即通稱么微有機體爲肉眼所不能見此么微有機體分爲動物性與植物性二種屬於動物性者曰原始蟲屬於植物性者曰黴菌此下等植物之黴菌屬於隱花植物之一科無葉綠素黴菌之中又視形狀性質分爲「絲狀黴菌」「芽性黴菌」「分裂黴菌」之三種

肺癆菌之殖民政策

分裂黴菌之繁殖本諸自身之分裂作用即自一而化爲二自二化爲四日漸增加故

有分裂黴菌之稱人類及他種動物往往因之發生疾病故稱曰「病原菌」因形狀之不同又分爲「球狀黴菌」「桿狀黴菌」「螺旋狀黴菌」之三種肺癆菌卽分裂黴菌中之桿狀菌

肺癆菌在肺病患者之痰中混之最多常視患者病勢之輕重而有增減據德國海角雷兒博士謂肺病患者之痰一塊中含有三萬萬之結核菌故小時內咯痰一次者一晝夜中有七十二萬萬之結核菌自結核患者之體內而排出散布於空氣中世間之人日夜被其侵襲然此多數之病菌果何自而生乎蓋分裂菌之本體有分裂作用已如前述其日漸增加繁殖者職是之故起始時原屬一個黴菌其後日漸分裂由一爲二由二爲四依次遞推增殖之勢力日漸廣大今試假定增殖之速力每一小時營分裂作用一次則二十四小時內一個之黴菌已化爲一千六百萬個矣由是以觀則下述之事項可推測而知

(一) 黴菌繁殖力之如何旺盛

(二) 究因何故而患者之體中發生無數病菌



(二) 患者之痰究因何故而有無數肺之結核菌

肺癆菌之抵抗力

肺結核菌之抵抗力非常強盛推知其抵抗力之大小爲肺病豫防及治療上之最緊要者結核患者之痰故置空氣中時結核菌之生存可達半年以上置於光綫缺乏之暗室內則一年以上尙得保其生存此種菌對於寒冷之抵抗力尤爲強大遇攝氏零下十度之寒冷經六七星期而不死對於溫熱之抵抗力亦較他種菌爲強他種菌遇攝氏六十度之溫度經二三十分鐘便行死滅而此種菌須八十度之溫度經二三十分鐘始克死滅惟對於日光之抵抗力最爲荏弱遇直射之日光經五六分鐘便死遇攝氏百度以上之溫熱一二分鐘便死若就消毒藥而論肺病患者之結核菌在二十倍石炭酸水中歷二十秒鐘而死在百倍石炭酸水中歷一分鐘而死在千倍昇汞水中歷十分鐘而死

肺癆菌脫蠟殺滅法

蓋肺結核(即肺癆)之原因是結核菌而此菌一入人體內則於該處便成結節以斷

血行之路又結核菌能分泌一種抗酸性蠟質包圍其體以防禦一切外來藥力之侵入故雖用種種殺菌藥內服或注射終不能達其病菌之實體內歷來醫家所慣用之自然療法對症療法理學的療法藥劑療法血清療法及其他一切治療法等尙未完全成功而肺病無藥之說遍滿於一世者因未知深奧學理故耳由此現代結核學者根據上述之學理繼續研究不遺餘力結果竟成此殺盡肺癆菌之化學聖劑名曰三那星 SANDICIN 此藥係遵 癆菌發明者德國考克博士與肺癆菌脫蠟術發明家德國柏格爾博士之最新醫理而發明成功者據現下德國瑞士及其他各國諸肺病療養院之實驗報告此葯有滲透肺病竈之結節及溶解蠟質之作用兼具有殺菌力能根治一二三期之肺癆確有萬試萬靈之特效在中國業經國民政府中央衛生試驗所化驗藥性和平無毒絕無任何副作用茲略舉醫治作用於下

(一)設於試驗管中實驗(三那星)之葯力作用則一分鐘後結核菌皆消失其抗酸性至三分鐘後則此肺結核菌完全殺盡無一倖免

(二)依動物試驗則發見(三那星)能滲入結核病竈內設檢查其病竈內潛伏之結

核菌則盡失其抗酸性此足證明其蠟質之完全溶解矣

(三)如患者內服(三那星)一星期左右則立見咯痰稀釋體熱下降等良好狀態  
(四)更繼續內服(三那星)達二十天至六十天以上則顯見體重增加食慾激進一切症狀逐漸緩和終達其回天再造之偉功

肺癆病原菌脫蠟術新發明

(一)

(最近德國結核雜誌編譯)

自考克博士發見結核菌爲肺結核症(卽肺癆病)之病原體以來東西結核學者爭先研究欲期得一殺滅此菌之妙方但其結果盡歸失敗蓋因歷來一般之醫家因未明瞭肺結核菌之別具一種特殊性構造以爲凡爲病菌盡可以消毒之藥劑用內服或注射之方法撲滅之一如「六〇六」之注射於梅毒也自柏格爾博士 DR. BERGEL 苦心研究後始發表肺結核菌有一種特殊之防禦力能抵抗一切外來藥力之攻擊蓋肺結核菌體係中性脂肪之內膜及抗酸性蠟質之外膜 *lipoid* 所構成若非設法破壞其蠟質之防綫及解除其脂肪性之武裝則無由俘擒結核菌而置之死地倘結核菌襲

入人體局部時其四週即被侵蝕而形成頑強之結節以阻礙血流之通過致使注射或內服之一般消毒藥劑無由越雷池一步宛如特別戒嚴之禁區藥力既無從接觸患部則雖溺沉全身於藥池中亦不能傷結核菌之毫髮是以撲滅肺結核菌之唯一作戰方畧至少必須俱備下列之兩種先決條件

(一) 凡藥力能破壞結節而直達患部者

(二) 又能剝奪或溶解其蠟質及脂肪性之內外膜者

如此始能奏破關斬將之功否則隔靴搔癢彼結核菌且在此兩種保障之下竊笑人之莫余害也

(二)

曾有哈莫塞哈黎 HAMMERSEHALY 及提禮潘斯基 TEREBENSKY 氏等發現結核菌之抗酸性係因蠟質能抗酸而然遂應用五乃至一〇%之苛性加里液而得除去結核菌之抗酸性蠟質後有莫純 MOUSSA 及高披爾 GOPPI 兩氏應用鹽素瓦斯而亦得除去抗酸性蠟質然此種脫蠟法祇能適用於顯微鏡檢查上染色法而已蓋其葯性劇毒對於人體

終不能實用也

近數年來偶有將大楓子油應用於癲瘋症而獲意外之奏效者蓋癲瘋菌與肺結菌爲同性質之抗酸菌而大楓子油能有脫蠟之作用兼具石炭酸百倍以上之殺菌力於是一般學者遂引起狂熱的注意思以大楓子之油應用於結核症患者冀圖奏效乃用種種之化學的方法提出大楓子油之主要成分然祇限於皮膚及表在性結核症能奏良效而對於深部的臟器如肺臟肝臟腎臟等結核則仍不能奏何等之效果

(二二)

因此我普天下結核病者之大恩師柏格爾博士百尺竿頭再進一步搜集動植礦物性各種藥物而苦心研究期得一種有脫蠟作用而無大楓子油之種種缺點者孜孜數十年不知絞盡幾許腦汁瀝瀝幾許心血以求其最合理最純粹的化學劑不已終發見特殊動物之腸間膜腺壓縮汁中有某一種有效成分對於結核菌有強力脫蠟之作用乃即將此新成分作用於結核菌而行基兒加排特氏 ZIEHL-GABBETI 染色法則己不染紅色而染青色此項結果與他種非抗酸菌完全相同自此東西醫家所視爲人

溫州不周書院

工不能除去結核菌抗酸性之主張完全推翻而占脫蠟殺菌劑中之最高權威遂將此化合物實驗於動物及人體之各種結核症均得偉大之神效並無副作用此實前後千古醫學界一大疑問的肺結核治療之新曙光也

(四)

肺結核之病原及病理既闡明後柏格爾大醫聖發明之肺結核治療上理想的新醫理亦實驗而大功告成二十世紀唯一無二肺結核特效藥(二那星) *SANOSIN* 遂遵此新醫理新學說而產生開醫學界一未有之新記錄茲將(二那星)所含之主要成分臚述於下

第一成分之化學名 *AMINOETHYL SULFONAMIDE (GSH NaSO<sub>3</sub>)* 係由特殊動物之腸間膜腺肝臟及海中軟體動物之血液中提取製出者也其化學性質無色透明為有光輝之四出或六出形結晶在攝氏十二度能溶解以十六倍之冷水於熱湯更易溶解但不能溶解於無水酒精及依的兒內如以強鹽性液煮沸之則成醋酸及亞硫酸與水銀溶合時則形成不溶於水之白色粉末倘於攝氏二百四十度分解而加以數倍之炭酸曹

溫州圖書館

達更細密混合加熱於白板上則生殘塊據修例德博士 DR. SCHRODER 之實驗報告謂此種成分能施直接作用於結核菌而溶解其外膜之蠟質及脂肪質結核菌既失去此險要之屏障遂不能免避其死刑抑尤有進者此種成分且有一種相當之刺激性能使患者之胆汁增加其分泌量且新陳代謝之機能愈形旺盛對於肺病竈則又能變化其結締組織而奏治療的效果

第二成分係提曼博士 DR. TIEMANN 創製之 KALUM SULFOGA ACOLOCUM C<sub>6</sub>H<sub>8</sub> (CH) (OCH) 28020K 其功用能增進結核患者之抵抗力及血清之凝結力促進新陳代謝增加白血球防止結核菌之發育有健胃祛痰消毒之特殊作用故自現代著名結核大醫萊享白哈博士 DR. REICHERT 提倡應用於肺結核以來德英諸國醫家莫不以此成分奉為治療結核症之無上聖品

(五)

綜合以上二大寶貴之主要成分而製成(三那星)新藥故(三那星)為肺結核治療上空前絕後之特効新藥確有極大之價值茲舉其醫治作用於下

溫州圖書館

(一) 設於試驗管中實驗(三那星)之藥力作用則一分鐘後結核菌皆消失其抗酸性至三分鐘後則此肺結核菌完全殺盡無一倖免

(二) 以內服或注射之方法應用(三那星)於人體則能滲入於肺臟等各臟器內部迄十八小時後檢查小便則能發見 DIAZO 之反應於四十八小時後此反應而行消失而白血球非常增加

(三) 依動物試驗則發見(三那星)能滲入結核病竈內設檢查其病竈內潛伏之結核菌則盡失其抗酸性此足證明其蠟質之完全溶解矣

(四) 內服(三那星)約一星期左右則可見咯痰之稀釋體熱之下降及心身愉快等之狀態

(五) 更繼續內服(三那星)達一二個月以上則顯見體重增加食慾激進一切症狀逐漸緩和終達其回天再造之偉功

肺病菌之最後運命

(德國肺結核專門雜誌抄譯)

溫州圖書館



### 肺結核之病原菌

自德國醫聖考克博士宣布發見結核菌爲肺結核之病原體以後近來一般醫家咸能將純粹培養之結核菌移植於天竺鼠可使該鼠發生同樣之結核症蓋結核菌可培養於含有甘油之肉汁涼菜反凝固血清中但其發育頗遲與其他各種之細菌迥絕不同按結核菌之形狀恰似桿棒狀不能自動具體甚微或直或灣如集其千枚於一處人目始能辨視以一郵票之小面積須以結核菌千六百萬枚之多始能平鋪其上至其繁殖之法係本諸自身之分裂作用由一化二二化爲四四再裂爲八逐次倍加故繁殖率極爲可驚倘能任其繁殖於一適宜之處則一晝夜中一菌將變爲數百萬之巨該菌常叢聚於肺癆患者之唾涕中據海爾雷博士發表謂患癆病者之一塊痰中含有三萬萬個以上之結核菌苟患者如每小時咯痰一次則一晝夜中當有七十二萬萬之結核菌自該患者之肺內排出而散播於空氣中世人朝夕蒙其侵襲然此患者並不因排出而滅其量因結核菌固如上述之分裂繁殖無休無歇勢力漸大今試假定其增殖之速力爲每一小時營分裂作用一次則二十四小時內一個結

核菌頓化爲一千六百萬個以上可不懼哉

### 肺結核菌之抵抗力

肺結核菌之繁殖力可驚已如上述而其抵抗力之強大尤爲可駭如暴露癆病患者所咯之痰液於空氣中則結核菌可生存達半年以上設置於暗室內則一年以上尙得保全其生存但結核菌在人體或動物體之外不能十分繁殖且對於日光頗乏抵抗力如爲強烈之光線所直射極易死滅蓋該菌因溫渡時間之關係影響甚大於五十五度之熱度中大抵經六小時卽死滅於六十度一小時卽死滅九十度二分鐘卽死滅除溫度以外對於許多化學藥品其抵抗力之頑強竟出人意表入於千分之一之毒藥昇汞水中經二十四小時尙不死滅設加入百分之五之石炭酸水攪拌一次或於病痰中加純酒精約痰之十倍量則至二十四小時始歸死滅云

肺癆病係一種最難療治之慢性世人皆知毋容贅述蓋肺癆病菌能由其自體分泌一種抗酸的蠟質包被其菌體以作護身甲故對於一般化學的藥品最有抵抗性如之刺激其附着繁殖之部分而形成極強韌之結節以致令一切殺菌藥品不能達到

溫州不傷書院

- 其菌體嗚呼自古東西醫家研究肺結核菌撲滅劑之最大難關實在此點現今吾人所謂殺菌藥消毒劑者皆係原形質毒而可滅殺細菌者亦可破壞身體之細胞及組織故今日醫界所渴望不己之理想的治療結核劑必須具下列諸項之先決條件
- (一) 凡藥能侵入于結核病竈內可得直接作用於結核菌者
  - (二) 又能剝奪而溶解其結核菌之抗酸性蠟質膜 *lipid* 者
  - (三) 能得完全殺滅結核菌而不害毒於人體者

#### 肺結核菌脫蠟撲滅新醫術

蓋肺結核(即肺癆)之原因是結核菌而此菌一入人體內則於該處便成結節以斷血行之路又結核菌能分泌一種抗酸性蠟質包圍其體以防禦一切外來藥力之侵入故雖用種種殺菌藥內服或注射終不能達其病菌之實體內歷來醫家所慣用之自然療法對症療法理學的療法血清療法藥劑療法及其他一切治療法等尚未完全成功而肺病無藥之說遍滿於一世者因未知此深奧學理故耳由此現代結核學者根據上述之學理繼續研究不遺餘力結果竟成此殺盡肺癆菌之化學聖劑名曰

三那星 SAMOSIN

此藥係遵肺癆菌發明者德國考克博士與肺癆菌脫蠟術發明家德

國柏格爾博士之最新醫理而發明成功者據現下德國瑞士及其他各國諸肺病療養院之實驗報告此藥有滲透肺病竈之結節及溶解蠟質之作用兼具有殺菌力能根治一三三期之肺癆確有萬試萬靈之特效在中國業經國民政府中央衛生試驗所化驗葯性和平無毒絕無任何副作用茲略舉醫治作用於下

(一)設於試驗管中實驗(三那星)之藥力作用則一分鐘後結核菌皆消失其抗酸性至三分鐘後則此肺結核菌完全殺盡無一倖免

(二)依動物試驗則發見(三那星)能滲入結核病竈內設檢查其病竈內潛伏之結核菌則盡失其抗酸性此足證明其蠟質之完全溶解矣

(三)如患者內服(三那星)一星期左右則立見咯痰稀釋體熱下降等良好狀態

(四)更繼續內服(三那星)達三十天至六十天以上則顯見體重增加食慾激進一切症狀逐漸緩和終達其回天再造之偉功

單甯酸 *Aeiann tennicum*

阿片末 *Polv Opii*

白糖 *Saccharum*

鹽酸阿列規聖 *Orexinom hydrochloricum*

單甯酸亞列規聖 *Phenyldihydrochinolinum tannicum*

昆儒蘭格皮煎 *decocta certex condurungo*

百布聖 *Pepsinum*

斯爾仿那兒 *Sulfonal*

篤利亞那爾 *Trionalum*

斯篤洛仿司丁幾 *Tinct Strusphantrus* 一日十五滴乃至三十滴極量一回○，五日二，○

沃剝 *Kali iodatum*

林檎鐵丁幾 *Tinct Ferri pomati*

還元鐵 *Ferrum reductum*

鹽酸規尼涅

Chininum hydrochlorium

乳酸鐵

Ferrum lacticum

桂皮油糖

蘆薈末

Rauv Aloes

硫酸鐵

Ferrum sulfuricum

砒素

Arsen

阿雪拿翻拉他司

山米他司

散拿吐勤

Sonatogen

鹽酸古加乙涅

Cocainum hydrochlorium

硼酸

Acidum boricum

古加乙涅溶液

Cocain losung

酒精

alkohol



餾水 aq aost

鹽酸加里 Kalium chloricum

沃度加里 Kalium jodatam

單那爾並 Tannalbinum

挖沸氏散 Pulv doweri

次硝酸蒼鉛 Bisnuthum subnitricum

撒里矢爾酸蒼鉛 Bisnuthum salicylicum

肝油 Oleum jecoris aselli

沃度鐵舍利別 Sirupus ferri jodati

凡士林 Vaseline

沃度丁幾 Tinct jodii

偏里設林 Glycerium

樟腦 Camphor



溫州府圖書館藏

芥子泥

寶芰答利斯叶浸

Inf folia digitalis

醋酸加里水

Kali aceticum waber

沃度仿謨

Jodoforminum

安息香酸曹達

Natrium benroicum

阿列布油

Oleum olivarum

依的兒

aether

資佩爾苦林

Tuberculin

炭酸結麗阿曹篤

Kreosotum Carbonicum

(Kreosotol)

炭酸卡野古羅

Guajacolum Carbonicum (Tuotol)

希洛林

Sirolin

知阿克兒

Thiocol (kal sulfognojaacol)

水

aq

橙皮丁幾

Tinct aurantii corticis

單舍

syrupua simplex





別臘蜜童 Pyramidon

亞斯披林 Aspyrin

樟腦酸 Acidum camphoricum

硫酸亞篤羅必涅 Atroninum sylvanicum

甘草末 Pulv Liguirit

甘草羔 Succus Liguirit

卡亢仿兒

鹽酸歇魯茵 Saltraures Heroin

歇魯茵 Heroin

乳糖 Sacch lactis

磷酸古埤乙涅 Codeinum phosphoricum

杏仁水 Aq pruni armeniaca

吐根丁幾 Tinct ipecacianhal



温州博物馆藏

WENZHOU LIBRARY

鏗茴香精

Spiritus Ammoniae foeniculus

鹽化亞特來那林

Adrenalin chloratum

阿片丁幾

Tinct opii

麥角丁幾

Tinct secalis cornuti

稀鹽酸

Acidum hydrochloricum dilutum

橙皮舍糖漿

Syrup aurantii corticis

麥角浸

Inf secaliscornuti

流動哈買梅里斯越

苦味醇

Tinct amara



# 肺癆中西合纂

樂清 虞紹堯 益僊

## 五咯血 鼻衄齒衄附

葛可久十藥神書專治虛損失血用保和湯潤肺利氣平燥解鬱保和湯見上咳嗽篇

王肯堂曰肺主氣氣逆為咳腎屬水水化液為唾腎脉上入肺循喉嚨挾舌本其支者從肺出絡心注胸中故二臟相連病則俱病於是皆有咳唾血也若咳痰中血如紅縷而出者此肺絡受熱傷之血也其病難已

櫻甯生卮言云咯血病難治者以肺手太陰之經氣多血少又肺者金象為清肅之臟金為火所制迫而上行以為咯血逆之甚矣上氣見血下聞病音謂喘而咯血且咳嗽也初得病宜白扁豆散去半夏加貝母生地藕節尤佳

徐靈胎曰吐血而咳者成勞不咳者不成勞不咳者吐血一止則周身無病若咳嗽而血止而病仍在咳嗽不止則腎中之元氣震蕩不甯肺為腎母母病則子亦病也多則三年少則一年死矣然亦有咳嗽不死者其嗽有時稍緩其飲食起居不甚變靜養即

愈此乃百中之一也

葉天士曰凡咳血之脉右堅者在氣分係震動胃絡所致宜薄味調養胃陰如生扁豆  
茯神北沙參薏仁之類左堅者乃肝腎陰傷所致宜地黃阿膠枸杞五味之類脈弦脇  
痛者宜蘇子桃仁降香鬱金之類吐成盤碗者葛可久花蕊石散仲景大黃黃連心瀉  
湯繆仲淳療吐血專以白藥甘草制肝枇杷葉麥冬貝母百合清肺薏仁淮山養脾韭  
菜降香蘇子下氣青蒿鼈甲丹皮川骨皮補陰清熱炒棗仁白茯神萸肉杞子補腎屢  
試屢驗然陰難驟長非多服不效 楊素園謂所列藥品極妥惟韭菜山萸杞子尙宜  
酌用唐容川曰血瘀于臟腑之間者久則變爲乾血化爲勞虫血瘀於軀殼之間者或  
病偏枯或化癰膿血瘀于肌腠之間者則變骨蒸毛髮焦折肢體瘦削一切不治之證  
由不善去瘀之故總

又云痰帶血絲乃腎氣不化于膀胱水沸爲痰而惹動胞血之謂也擬用仲景猪苓湯  
加丹皮蒲黃以清血分

苓猪湯

猪苓澤泄茯苓活石阿膠各三錢

又云肺經陰虛燥氣生痰粘着喉間滯澀聲音喘咳發熱脈細數者不宜滲利再傷水津但宜滋潤以生津津生則痰豁宜保和湯清燥救肺湯紫苑散

徐洄溪曰瓊玉膏治虛勞乾咳為血證第一方

柴嶼青曰凡血證脈貴沉細忌洪大

王肯堂類方治咳出痰片兼痰內有血絲不問新久但只有一聲服取効曰甲乙餅青

黛一兩牡蠣粉七錢杏仁七粒研用黃蠟溶化和丸壓扁如餅細嚼糯米飲下

王肯堂曰血從下出者順從上出者逆凡血上溢苟無脾虛泄瀉瘦弱已極者皆當以

大黃醋製和生地汁及桃仁茜草根白茅根之品引入血分使血下行此妙法也

壺隱按余治吐血之證方中加生大黃七八分或一錢又加竹茹二三錢往往獲效

吐血之後有潮熱咳嗽脈洪大而數者難治

費伯雄曰鼻衄其平日肺氣未傷祇因一時肝火蘊結驟犯肺穴火性炎上逼血上行

自製參龍湯專治鼻衄神效

羚羊角一錢 牡蠣四錢 石斛三錢 南沙參四錢 麥冬一錢五分

溫州府立醫院

WENZHOU LIBRARY

川貝母二錢 夏枯草一錢 丹皮一錢 黑荊芥一錢

茜草根二錢 牛膝二錢 茅根五錢 藕五大片

陳無擇曰鼻通於腦血上溢於腦所以從鼻而出宜茅花湯調止衄散  
壺隱按若大便堅貫加元明粉一錢卽止

費伯雄曰齒衄乃陰虛陽亢龍雷之火衝激胃中所致製蒼玉潛龍湯

生地四錢 龜板六錢 石膏三錢 龍齒二錢 石斛三錢

花粉二錢 丹皮一錢 羚羊一錢 沙參四錢 白藥一錢五分

藕 三兩 茅根五錢 後二味另煎代水

醫旨緒餘云齒衄多陽明熱盛所致緣衝任二脈皆附陽明陽明一經氣血俱多或潮湧成盆脈洪有力宜用三製大黃末二錢枳殼湯少加童便調下所下黑糞神效

王肯堂曰腎虛者以腎主骨牙者骨之餘火乘水虛而上炎服涼藥愈劇宜鹽湯吞安腎丸間黑錫丹仍用青鹽炒香附黑色爲末擦之 按肺勞有兼鼻齒衄者故附錄

西醫云肺勞痰內混血初期末期均有之所含血量之多少與病證之輕重未必盡爲

溫州府立醫院

正比例然多量之咯血決非佳候

初期咯血其血液或爲綫狀或爲點狀而混於咯痰中或咯純血外形視若健康或先發咳嗽或因身體過勞尙無生命危險而在末期咯血則關係甚大有因咯血過多而亡者有因血溢氣管致呼吸甚難者有起間質性肺氣腫延至於喉頭窩之皮下者此末略期血由空洞圍壁之血管瘤而來故其量甚多且難于制止也

攝生法 (甲) 咯血須臥空氣流通之室輕者上部身體宜高重者更高 (乙) 不可

談話 (丙) 居室須開窗戶 (丁) 食物用牛乳半熟雞蛋粥等流動性之品或軟狀

食物每回分量以少爲貴每日回數以多爲宜但必食冷者 (戊) 不可食熱物及煙

酒類含碳酸飲料(如荷蘭水 *Limonde* 等) 恐咯血也 (己) 精神第一求安靜切勿

自怖咯血與咳嗽咯痰皆不過肺病之一徵非眞爲絕命之兆者且咯血多起於病輕

之時每因攝生醫治遂得佳效 (庚) 大便時勿努力從上攝生法咯血已止過三五

日始可坐於臥床上若輕率起床步行則有再發之虞

處方 鹽化亞特來那林 *Adrenalinum chloratum* 最新之止血品惟價頗貴 四、○阿片丁幾 *Tinct. opii*

二、〇 水二〇〇、〇 右一日三次二日分服食前 用量內用千倍液一

日數回每回五滴乃至三十滴

一方

TINGT, SECALIS CORNUTI

麥角丁幾

八、〇

ACIDUM HYDROCHLORICUM DILUTUM

稀鹽酸

11、〇

AO. PRUNI ARMENIACAE

杏仁水

六、〇

SYRUPUS AURANTII CORTICIS

橙皮舍

11〇、〇

水

二〇〇、〇

右一日三次二日分服

一方

IUF. SECALIS CORNUTI

麥角浸

三、〇

水 1〇〇、〇

流動哈買梅里斯越

1〇、〇

苦味丁幾 TINGT AMARA 1、〇

單舍 S.S.

1〇、〇

右混和為一日量分三回服

一方

單甯酸 ACID. TAUNICUM

中秤四分

白糖

一錢

右分十包每一時服一包

按此品為淡黃色之粉末性能止血 見簡易療病法

ACIDUM TAUNICUM

一方治嘔血

單甯酸 二分五厘

SACCHARUM

白糖

一錢

分十包每一小時服一包

溫州不備書院

WENZHOU LIBRARY



分十包每二小時服一包

一方

名吐痰血丸

即痰中帶血也  
見家庭新本草

白礬末

一錢

PUY OPII  
雅片末

二分

兒茶一分共研勻和糖稀作丸六十粒間兩點鐘服一粒止吐痰血甚效

一方

古來適用之法將一食匙之食鹽溶於一盞之水中而服之此法時奏卓效

六食思不振

許學士曰有人全不進食服補脾藥不效予授二神丸頓能進食蓋以破故紙補腎為  
癸水以肉荳蔻厚腸胃為戊土戊癸化火即虛則補母之義也 按肺勞多陰虛二神  
尚不適宜

葛可久曰勞證施治宜早若至脾敗不食則萬無一生故治勞須於平時力救脾胃為  
主

戴復庵曰脾運食而傳於肺脾氣不足故不喜食

喻嘉言曰虛勞食少薏仁可用至七八錢

唐容川曰人之所以能化食思食者全賴胃中之津液西醫言胃之化穀乃胃汁化之并有甜肉汁苦膽汁皆入腸胃化穀無津液則食不能化宜左歸飲加味治之

熟地 山藥 杞子 甘草 茯苓 山黃 加沙參花粉扁豆

蓮子白芍黑芝麻 按減熟地杞子山黃加薏仁穀芽尤妙

西醫云肺病初期胃弱者食後胃部覺脹滿壓重起噯氣嘈雜吞酸惡心嘔吐或反是而進食者亦有之食機亢進者病之經過多良食機減損者身體衰弱甚速不可為矣  
營養療法篇可參看

處方 鹽酸阿列規聖 ORENINOM HYDROCHLORILUM 為帶黃白色之粉末無臭味能促胃之消化

用量 〇、三至〇、五

一方 單甯酸阿列規聖 PHENYLDIHYDROCHINAROLINUM TANUICUM 用量 〇、二五至〇、五

一方 昆儒蘭格皮煎 DECOCTA CORTEN COUDURUNGE (一六、〇) 1100.0

稀鹽酸 ACIDUM HYDROCHLORICUM DILUTUM 11.0 百布聖 PEPSINUM 11.0

右一日三次二日分服 每食前三十分鐘服

七不寐

許叔微治董生臥則魂若飛揚離體此肝有邪臥不得歸也方以珍珠母為君龍齒佐之蓋以珍珠母入肝為主龍齒安魂若以人參為臣更妙

本事方珍珠母丸

珠母研細七錢五分

當歸熟地

各一錢五分

人參酸棗仁柏子仁犀角茯苓

各一兩沉香龍齒各五分

右研細煉蜜丸如桐子大辰砂為衣每服四五丸金銀薄荷湯

下日午後臥時服

唐容川曰心藏神血虛火妄動則神不安仲景黃連阿膠湯肝藏魂人寤則魂游於目寐則魂返於肝若陽浮於外魂不入肝則不得寐宜二加龍骨湯加五味子棗仁阿膠

黃連阿膠湯

黃連黃芩白芍阿膠雞子黃

二加龍骨湯

龍骨牡蠣白薇附子白芍甘草姜棗

韓飛霞云不寐乃心腎不交惟肉桂黃連能交心腎於頃刻

西醫處方

斯爾仿那兒 SULFONAL

〇、五至一、〇

此為甯睡之最驗品

右作一次臨臥開水化服

一方

篤利亞那爾 TRIONALUM

臨臥服一、〇 用牛乳一杯和服

此品爲最好之催眠藥無不良之副作用但價貴不宜久服

八呼吸困難即喘也

經曰諸逆衝上皆屬於火

聖濟總錄云呼隨陽出氣於是升吸隨陰人氣於是降一升一降陰陽乃和所謂上氣者蓋氣上而不下升而不降痞滿膈中氣道奔迫喘息有音是也本於肺臟之虛肺葉張舉諸臟又上衝而壅遏所以有上氣之候

朱丹溪曰喘有陰虛自小腹下起而上逆者有陰虛挾痰者用四物湯如枳殼半夏補陰降火然歸地泥隔生痰枳半燥泄傷陰總不如用靈磁石紫石英牡蠣沉香以鎮納川貝川骨皮百合枇杷葉薏仁浮海石瓦楞子之屬以祛痰

喻嘉言曰凡遇陰火逆衝眞陽暴脫氣喘痰鳴之急證舍黑錫丹別無他法矣  
汪石山以喘脉洪爲可治脈微細爲不治與景岳不同而俞東扶謂汪所論當着眼

張景岳曰喘脉微弱順而易醫浮空者險而難治

西醫云身體安靜之際則無此候若罹肺病而并發肋膜炎或運動過劇發熱甚盛之時則往往呼吸困難

肺病而發氣胸者其穿通之部位多在肺上葉之下緣若在右側則位肺中葉之上緣與乳腺腋窩腺之間此時每突發劇烈之疼痛及呼吸困難

處方

TIACT JPECAGUANHAE  
吐根丁幾

五、〇  
TINCT STRUSPHANTRIS  
斯篤洛仿司丁幾

一日十五滴乃至二十滴極量一回〇・五一日二・〇

沃剝 100

11、〇

單舍見上

六、〇

水一〇〇、〇

右一日三次二日分服食後

九羸瘦及貧血

西醫曰萎黃病中醫曰二陽病

素問陰陽別論曰二陽之病發心脾有不得隱曲男人少精女子不月其傳為風消傳為息賁者死不治

喻嘉言曰此亦肺燥所由來也夫燥而令男子精液衰少女子津血枯閉亦云極矣然

溫州不傷不館

其始但不利於隱曲之事耳其繼則胃之燥傳入於脾而爲風消風消者風熱熾而肌肉消削也大腸之燥傳入於肺而爲息賁息賁者息有音而上奔不下也是則腸胃合心脾以共成肺金之燥三臟二腑陰液消亡殆甚尙有救療者乎夫由心之肺已爲死陰之屬然脾氣散二陽之精上輸於肺猶得少甦涸鮒今以燥之爲害令生我者盡轉而浚我之生故直斷爲死不治也

滑伯仁曰二陽爲手足陽明爲金爲燥化血者水類金爲水源以火爍金此熱則搏搏則燥復加燥藥血益乾則病益甚宜清金瀉火流濕潤燥

寇宗奭曰童年情竇早開積想在心月水先閉蓋憂愁思慮則傷心心傷則血耗竭故經水閉也火既受病不能榮養其子故不嗜食脾既虛則金氣虧故發咳嗽既作則水氣竭故四肢乾木氣不充故多怒髮焦筋痿五臟以次傳遍故卒不死然終死也比於諸勞最爲難治

唐容川曰室女正當血盛之時而乃經少血枯以致骨蒸減食咳嗽消瘦此宜大滋其血之化源使血驟生而諸病乃退復脉湯主之人參地黃麥冬阿膠胡麻仁炙甘草桂

枝姜棗

王士雄謂此證最難治六味礙脾歸脾助火惟薛一瓢滋營養液膏加小麥遠志庶幾  
合法

滋營養液膏

女貞子

旱蓮草

廣皮

白芍

桑葉

黑芝麻

熟地

杞子

菊花

歸身

黑稽豆

玉竹

南燭葉

沙參可代

茯神

沙蒺藜

炙甘草

壺隱按咳嗽有痰減熟地玉竹加川貝薏仁叭嚙杏發熱加川骨皮鱉甲

泄瀉減黑芝麻加扁豆穀芽

右前十四味各四兩後二味各二兩天泉水桑枝火

熬成膏收人真阿膠三兩煉成白蜜三兩磁瓶貯好每日卯時挑服五六錢開水送下

西醫云患肺病者均漸次羸瘦貧血體重減少其原因一為食思不振而食量減少一

為久長之發熱以致皮下之筋肉漸漸消耗瘦削貧血隨衰弱而來皮膚呈蒼白色下

肢倦重心悸亢進呼吸困難頭痛眩暈月經不調貧血與萎黃療法相同萎黃多發於

十四歲至二十三歲之女子若在二十五歲以外則不無結核等之疑

溫州不周

療法探究其病源為要改良食物及生活法實行轉地療養法若用鐵劑須視胃之消化力如何且服用時不宜飲茶

處方

TINGT. FIRRI POMATI  
林檎鐵丁幾

五〇、〇  
TINGT. AURANTI CORTICIS  
橙皮丁

DO PRUNI ARBENIACAE  
一〇〇、〇 杏仁水

一〇〇、〇 右調和一日二回每回一茶匙

一方

還元鐵 FERRUM REDUCT 11、〇  
PULV ET SUCCUS LIQUIRIT

CHININUM HYDROCHLORIDUM  
鹽酸規尼涅

三、〇 甘草 未適宜

右分為六十九丸一日三次每次一粒食後服

一方

乳酸鐵 FERRUM LACTIG 〇、五  
桂皮油糖

SACCHARUM  
白糖各一、〇 右調勻分散六包一日二回每服一包凡飲鐵劑須

能食且忌茶

通經補血宜蘆薈鐵丸

PULV ALOES  
蘆薈末

FERRUMSULFURICUM  
硫酸鐵

各等分用酒精研和丸每

丸重〇、一須一日二二回每食後一粒至二二粒普通補劑

阿雪拿翻拉他司

溫州不備公館



此爲德國最新之鐵卵白劑從動物之肝臟製出內加砒素 ARSEN 少許與從前之補血藥不啻霄壤凡癆病貧血萎黃神經衰弱或虛弱之小兒皆宜服之 一日三次每次半食匙至一食匙開水一杯沖服食後忌茶每瓶約服十餘日

山米他司

此藥來自德國乃肉類之精華爲滋養強壯劑其功用能增

進食慾增加體重增加血球素之含量又能強壯神經產婦能增乳量而使乳汁濃厚故產前產後皆宜多服 一日一次每次半食匙先以冷開水浸一時卽溶化再以

開水或牛乳沖服

育興賓錠

PAST YOHIMBIN

此藥來自德國其功用能令生殖器充血故治陰痿效

一日三次每次一粒開水送下食前服可連服一二月以病愈爲止

散拿吐瑾

SANATOGEN

爲牛乳食餌內含蛋白質最多又含磷質既補氣血又補腦髓凡

貧血萎黃肺病胃病腦病一切衰弱均宜 服法一日三次每次二食匙先用冷開水化好調勻再用熱開水沖服服時宜在食後可連服數月此爲英國最新之藥各國多信用之 凡痛風腎藏病尿酸素質等不可食肉者均宜以此品代之

喉頭結核 一曰喉勞

程鍾靈曰勞病至咽痛音啞喉瘡乃真陰枯涸虛陽上泛之危證難治宜用六味丸滋腎水佐以百藥煎散通音煎柳華散可也

唐容川曰勞虫居於肺間嚙壞肺臟金蝕不鳴喉中癢咳喘熱難已此爲勞瘵難治之證宜百部人參明雄獺爪白芨百合蠶砂射香獺肝鰻魚骨治之若咽喉破爛宜上方外再用珍珠人參牛黃明雄爲粉吹之

又曰聲音者氣所從出也氣根於腎故音由腎生氣不歸元則咳愈甚氣愈乏而聲愈乾宜多都氣丸主之加人參沉香訶子又有津液枯涸肺痿葉焦聲嘶者乃虛弱證宜人參清肺湯清燥救肺湯常用白蜜川貝沙參胡桃百合蒸服

百藥煎散 治咽痛 百藥煎 五錢 硼砂 一錢五分 甘草 一錢 爲末每服一錢米飲調食後細細嚥之忌食生冷魚腥鹹醃等

通音煎 治音 白蜜 一斤 川貝 二兩 研末 欵冬花 二兩 研末 胡桃肉 十二兩 研爛

右四味和勻飯上蒸熟不拘時開水點服 此與唐氏法略同

柳華散 青黛 蒲黃炒 炒黃柏 人中白各一兩 冰片三分 礪砂五錢 共爲細末吹

喉效

永類方 訶子肉 木通各一兩 甘草五錢 水三升煎至升半人生地黃一合再煎數沸

分六服食後日作半料

都氣丸 六味丸加五味子

人參清肺湯 人參阿膠地骨皮知母桑白皮杏仁烏梅鶯粟壳甘草

清燥救肺湯 人參黑芝麻石羔阿膠杏仁麥枇杷葉桑葉甘草

西醫治喉頭結核

原因 喉頭之傳染多因結核菌之咯痰瀦溜於喉頭粘膜所致然亦有因血管淋巴管爲媒介而發生者

傳染之補助原因多爲高聲談話吸入塵埃及刺戟性蒸氣或吸煙及黴毒之前驅

證候 聲音曇濁或極嘶嘎甚至全失其聲且於發聲時喉起疼痛或嚥下作痛是因

披裂軟骨及會厭軟骨被其侵害當嚥下時受器械的刺戟故也咯痰之量增加且放

溫州不傷不飲

惡臭咳嗽頻發致患者甚覺困憊

顯微鏡檢查患部組織則見圓形細胞之集簇巨大細胞及結核菌之散在

辨定此病與喉頭黴毒之區別

(甲) 黴毒之全身羸瘦往往不甚著明而結核則衰弱尤甚

(乙) 黴毒多無熱而結核則發消耗熱者多

(丙) 黴毒者口蓋同時被侵害起物質之缺損而結核則僅會厭軟骨肥厚表面有顆粒狀

(丁) 其餘全身諸部見有黴毒證候則必爲黴毒如喉頭部見有結核桿菌則必爲結核

療法 喉頭結核之變化尙未廣延者宜用腐蝕劑殺滅其結核性之組織最適當者爲濃厚乳酸應用之時先依喉頭鏡用古加乙涅使局部麻醉然後塗布五十至七十%之乳酸

處方

知阿古羅 THIOCOL

〇、一—〇、一五

鹽酸古加乙涅

溫州不備書院

COCAINUM HYDROCHLORICUM 四、〇  
ACIDUM BORICUM 一、〇  
硼酸

右藥外用為撒布料

鎮靜疼痛宜用麻醉藥以古加乙湴溶液為最要

處方

COCAINUM HYDROCHLORICUM 一、〇  
鹽酸古加乙湴 一、〇  
酒精 ALKOHOL 一、〇  
AD DEST 餾水 八、〇

右藥混和喉頭塗布料

血清療法

令病者安臥注射血清亦有收良結果

處方

鹽酸加里 KALIIUM CHLORICUM 一〇、〇  
單舍 一〇、〇  
餾水 五〇〇、〇

右為含漱料每半時含漱一次又有每一時內服半食匙

一方

沃度加里 KALIIUM JOATUM 一、五  
單舍 一〇、〇  
餾水 一〇〇、〇  
AG DEST

右調和每二時服一小兒匙

診斷

全身違和發熱輕度之嘶啞且發乾咳四五日後諸證增進食氣不振

脉搏頻數咳音如犬吠呼吸時喉頭發喘鳴呼吸困難恐怖煩悶顏面呈紫藍色皮膚

發冷汗卒至窒息而亡

腸結核 一名腸勞

唐容川曰虛勞失血最忌泄瀉以脾胃敗壞不能任藥且少納穀脾氣將絕故也若用治雜證法以參朮姜苓補胃轉傷其陰下咽之後立見喘熱竟成枯骨矣然用滋陰之藥則愈動其瀉勢必土崩不救病至此吾未如之何也已擬用黃土湯作調停之計效否不敢必也

黃土湯 灶心土三錢赤石脂可代用甘草一錢白朮三錢熟地三錢

黃芩二錢阿膠二錢附子錢五分孫文垣云宜加扁豆山藥壺隱按宜減白朮附

子熟地阿膠加薏仁穀芽鶯粟殼

西醫治法 原因 續發於肺結核者為多是因誤嚥咯痰含有結核菌遂致移植於腸故也或由飲結核性之牛乳結核性之母或乳母而起

診候 此病每便通不整或來頑固之便秘然起難制之下利為多此際於糞便有結核菌之證明尤在患者之咯痰當察知其嚥下與否此病之下利每於破曉時為最

溫州不傷古館

多故有雞鳴下利之名

屬原發性者為下腹膨滿腸壁緊張腹痛雷鳴惡心嘔吐頑固下利日晡潮熱及瘦削屬續發性者為兼有肺勞諸證候之頑固性上圍時有疝痛狀之疼痛

小兒之原發性腸結核名曰腸間膜癆其候為全身羸瘦貧血頑固之消耗熱四肢及胸部之瘦削腹部之鼓腸膨滿等有時腸間膜腺之腫大累累然得自外部觸知之肝臟多腫大便通多不整

豫防法 令病者勿嚔下咯痰若空腹時嚔下咯痰可食少許之麵包令胃中鹽酸即時分泌而作用於該菌牛乳及生肉之可疑者俱不可食禁肝油稀人乳一切刺戟腸之藥劑宜牛乳雞蛋等勿食潤腸之物

處方

單那爾並 TAINALBINUM 一瓦 炭酸卡野古羅 GNALACOLUM

CARBONICUM 一十分之十五 托沸氏散 PULV. DOWRI

SACCHARUM LACTICUM 百分之十五 乳糖 十分之六

右為一包料每三時服一包

一方 BISMUTHUM SUBNITRICUM 次硝酸蒼鉛 三、〇 鴉片末 〇、一

SACCHARUM 白糖 四、〇 右研和分爲十包一日三回每回一包

一方 RISTHUM SUBNITRICUM 次硝酸蒼鉛 四、〇 單那爾並 一、〇 阿片末 〇、一  
TAUNALBINUM

一方 撒里矢爾酸蒼鉛 BISTHUM SALICYLICUM 一、〇 阿片末 〇、〇六

SACCHARI 乳糖 一、〇 右混和分爲二包一日三回每回一包

一方 維納之沙尼爾氏謂腸結核用知阿古羅最效

THIOGUL 知阿古羅 見上 〇、五

右爲一包一日三回每回一包入膠紙中服之

淋巴腺結核 古名癩勞

薛新甫云大抵肝胆部分結核不問大小其脉左關弦緊右尺洪數者乃腎水不能生



肝木以致肝燥而筋攣須用補養以滋化源

外臺祕要云肝腎虛熱則生癧病機云癧癧不係膏梁丹毒火熱之變因虛勞氣鬱所致止宜補形氣調經脈其瘡自消蓋不待下之汗之而已也若脈洪大元氣虛者不治若面眇白爲金尅木亦不治若眼內赤脈貫瞳見幾條則幾年死若不治本而妄用伐肝則誤矣

按脈經云人年五六十其脈浮大者痺俠背行苦腸鳴馬刀俠瘦者皆爲勞得之可見癧癧之證多起於虛也

朱丹溪曰癧癧初發必起於少陽經久則延及陽明實者易治虛者可慮以其屬膽經主決斷有相火而且氣多血少婦人見此若月經行不作寒熱可生稍久轉爲潮熱則危矣自非絕慾斷厚味與發氣之物雖神聖不可治也

大抵此證原屬虛損常法先以調經解鬱更以隔蒜灸之多自消如不消卽貼以效驗膏藥俟有膿則針之

消癧丸

程鍾靈製有奇効

元參四兩牡蠣醋煨四兩貝母三兩爲末蜜丸每服一錢

消癭膏

露蜂房炙蛇蛻炙芫花 大戟 白芥子 木鱉子 琥珀各一錢 元參

三錢 研細布包用酒少許浸一宿用油一斤加杏仁兩半亂髮一團煎十五沸待

髮消盡用布濾淨再下鉛丹黃蠟各二兩又煎五七沸貯磁盆中取貼瘡上一日

一換

灸法 灸肩井肘尖兩穴各三壯左即灸左右即灸右復作再灸三次斷根屢驗

繆仲淳方 內服 貝母首烏各三錢連召白芨花粉各二錢牛旁蒼耳青木香各一錢

五分 銀花菊花紫地丁各五錢夏枯草五錢外治 南星三兩海藻昆布兵郎姜黃白蘇

牙皂各一兩研末醋調塗

西醫云 原因 多發於十三四歲以下之男女之全身病雖有先天性或後天性之

區別而病毒則同爲結核菌如營養不忌居住卑濕及不良之空氣皆爲其誘因

診候 體質薄弱性鈍者皮下脂肪組織多顏面腫起其色蒼白口脣肥厚性敏者

顏面細長皮膚薄而潮紅易皮下靜脈透映并發淋巴腺腫頭部之濕疹頭皮膿泡皮

顏面細長皮膚薄而潮紅易皮下靜脈透映并發淋巴腺腫頭部之濕疹頭皮膿泡皮膚之苔癬結膜炎角膜炎等諸證

療法

注意飲食之品類及食事食物用乳汁雞卵燒肉及易消化之野菜禁忌香物菘豆類馬鈴薯等一切不消化物以牛乳雞蛋魚肉鳥肉一切易消化之物為主食物寢室及居室空氣宜新鮮以鹽水浴為最良

處方

OLEUM JECORIS ASELLI  
肝油 每服一食匙冬時可用久服恐礙消化且宜間歇

一方

沃度鐵舍利別 SYRUP FERRI JODATI 1、四 橙皮舍 SARUP AURANTI CORTIGIS 六、〇

水 六〇、〇 右一日二次二日分服食後小兒尤宜

內科綱要云沃度鐵舍一日用一瓦至二三瓦

一方

KALI GODATUM 沃剝見上 〇、五 橙皮舍 SYRUP AURANTI CORTIGIS 11〇、〇 餾水 AQ DEST 八〇、〇

右一日一回至二回每回一小兒匙

搽擦藥

沃度加里 KALI JADATUM 1瓦 凡士林 VASELIN 十瓦

右外搽一日二次 或用沃度丁幾 TINCT IODUM 塗布

一方 沃度 IODUM ○、○、○ 沃度加里 KALI IODATUM 〇、〇

偃里設林 GLYCERINUM 〇、〇、〇 右為軟膏

肋膜結核 一名胸膜結核 古名脅痛

肋膜結核中醫未詳姑錄近理之說以見其概

王肯堂曰左脅屬肝肝藏血右脅屬肺肺主氣在左多因留血作痛在右多因痰積作痛雖然痰氣亦有流注於左者必與血相搏而痛不似右脅之痛無關於血也

魏玉橫曰一人脅痛不能側臥枯痺如柴此肝舉證也肝葉左三右四血足則潤而下垂今肝陰已傷其葉燥硬故舉而不下也投以枳殼香附燥藥如火上添油耳與二地沙參麥冬萆皮薏仁杞子川棟十餘劑而病痊 按脅與肋不同而治法相埒

唐容川曰虛證有側臥一邊翻身則咳益甚者諸書皆言不治而不知仍瘀血為病側臥左邊者以左邊有瘀血故不得右臥也右臥則瘀血翻動益加壅塞宜血府逐瘀湯加青皮鱉甲以去左邊之瘀血側臥右邊者以右邊有瘀血故不得左臥也宜加鬱金

桑皮姜黃以去右邊之瘀血此諸書言及者少惟丹溪略引其端吾敢秘而不傳哉

溫州不備書院

桑皮姜黃以去右邊之瘀血此諸書言及者少惟丹溪略引其端吾敢祕而不傳哉  
喻嘉言曰大凡虛勞之證每心下引脅俱疼蓋滯血不消新血無以養之宜用滋養藥  
加韭汁桃仁

西醫云 診候 乾性肋膜炎呼吸時胸部刺痛及呼吸時之摩擦音 滲出

性肋膜炎因惡寒而發中等弛張熱呼吸困難胸部刺痛劇甚乾咳脈數食減 化  
膿性肋膜炎屢以寒戰而發高熱諸證皆劇甚若由結核而發者多不良

初期發疼痛咳嗽呼吸迫促發熱尿量減少滲出液愈增加胸痛愈緩解胸痛劇烈之  
際患側不能下臥滲出液增多之時常宜下臥病者因臥不能任意異常煩苦

療法 對於熱候則用消炎法而與酸性飲料等總以吸收滲出物為主初期貼發  
泡膏及芥子泥服阿斯必林吸收期薑芝浸吸收緩慢則投規那煎沃剝爲良而最合  
結核性者爲結麗阿曹篤丸

處方 芥子泥 CAMPHOR 樟腦 各二五、〇

右混和爲塗擦料

温州府立醫院

一方 阿斯必林 ASPYRIN 四、〇 乳糖 11、〇

右分六包日三回二日分服

一方 寶菱答利斯葉浸 INF FOLIA DIGITALIS 1、〇 一八〇、〇

醋酸加里水 KALI ACETICUM WABER 111〇、〇

單舍 s. s. 11〇、〇 右混和每一二時服一食匙

若衰弱及貧血者與以滋養易化之食餌處以緩和鐵劑

處方 TINCT FERRI POMAT 林檎鐵丁幾 苦丁 TINCT AMARA 各五、〇 橙皮舍 五〇、〇

右混和一日三回每回服一茶匙 忌茶

吸收藥中以沃度劑為最效

處方 純沃度 〇、111 沃度加里 KALI JODATUM 111、〇

偏里設林 GLYCERINUM 四〇、〇 右混和塗布患處

腦膜結核

中醫言心不言腦凡急性頭痛謂之真頭痛慢性頭痛謂之頭風與西醫所稱腦膜炎雖不甚同究無大異爰舉數條以概其餘

徐靈胎曰頭風一證往往本熱而標寒輕者易愈其重者風毒上攻絡血橫逆重則厥冒久則害目必重劑並外治諸法方能有效

馬元儀云頭痛累月由陰衰於下陽亢於上上盛下虛之候也所以然者以陽氣居上體本虛也而濁氣干之則實陰氣居下體本實也而氣反上逆則虛頭爲清陽之位而受濁陰之邪陰陽混亂天地否塞而成病矣若概以頭痛爲風火有不益虛其虛者乎宜六味地黃丸加青鉛五錢俾清濁定位不治痛而痛自止矣

繆仲淳治一女頭痛作嘔米飲不下曰因於血熱血虛火上炎也用麥冬桔紅木瓜茯苓白芍枇杷葉蘇子甘菊烏梅竹瀝蘆根而痊

費伯雄云血虛頭痛自覺頭腦俱空目眊而眩養血勝風湯主之生地當歸白芍川芎枸杞五味棗仁柏仁菊花桑葉紅棗黑芝麻

外治法

張大復曰偏頭風之方罕有效者戊申予忽病此端午有人貽二餅貼太

陽上一夕良已法用南星半夏白芷爲末搗生姜葱頭爲餅方甚簡便

一方 以蕎麥粉二升水調作二餅更互合頭上微汗卽愈

西醫云此病之全經過別爲三期如左 (一) 腦刺戟期 此期發頭痛嘔吐項部強直精神朦朧譫妄等而并發痙攣 (二) 腦壓期 是爲特發急性腦水腫者現嗜眠及遲脈并發個個之筋肉麻痺而加以強痙 (三) 麻痺期 此期來高度之昏睡脈搏頻數呼吸變狀體溫升降等而筋肉強痙則消失

試敲打脊椎及頭蓋則發劇痛雖人事不省者亦能表示其過敏性也精神雖已昏憊每突發短且銳之叫聲是名爲腦膜炎性號叫

皮膚知覺大抵過敏卽輕擱其皮皺亦起劇痛皮膚血管運動神經甚爲亢奮用硬固之物質爲器械的刺戟則於其部暫現赤色是名腦膜炎性斑

檢查其眼底每現鬱血乳頭及神經炎是爲診斷上最要者卽脈絡膜結核之證明也此病之經過長短懸殊或歷數日數週或至二月以上其所以致死者常因心臟及腦之麻痺繼發重篤之昏睡故也在慢性證有時甚覺經快昏睡亦醒覺甚至自能離褥



然終不免再度之增劇而致斃

豫後 結核性腦膜炎之豫後不良

療法 頭部剃除頭髮以後塗布沃度丁幾

耳後貼十五條至二十

條之水蛭頗能有效其他於頭部塗擦灰白軟膏或沃度仿謨 *IODOFORMIUM* 軟膏（一

分與五分）亦可冰囊之應用無論病至何期均為極要便秘者常用之藥劑為旃那

浸

（一〇、〇之量於一〇〇、〇中浸出之

他如吸收藥有試用沃度加里之內服者然不見大效

若現腦壓亢進之證狀則擇適當之時試行腰椎穿刺法於麻痺期當如治腦脊髓膜

炎投以強心劑

處方

安息香酸曹達 *NATRIUM BENZYVICUM*

*TINCT AMARA* 苦味丁幾 11.〇

單舍利別 *SYRUP SEMPLEN* 八.〇

水 1〇〇.〇

右藥混和為一日量二回分服

CAMPHOR

樟腦

1、0

依的兒 AETHER

11、0

阿列布油

OLEUM OLIVARUM

八、0

右一日數回每回一筒嗜眠時為皮下注射

一方

芥子末貼於腓腸部

二〇〇、0

全上

肺病豫防法

肺病之傳染以痰之媒介為最多若病者任意吐痰則傳染他人為害非小豫防之法  
一曰撲滅結核之細菌二曰除去肺病之素因今述撲滅細菌之法如左

(一)病者吐痰必用痰盂以陶器為良口上須有蓋口蓋或以厚紙製成防蠅脚附粘痰液傳於他處痰盂中注水少許每日棄痰於廁所(或有水之田中)再用沸湯洗淨或有以砂人孟內痰易乾燥不如注水者良

(二)痰之粘附唇鬚用紙拭清之切不可用手巾恐痰附於手巾易致傳染故也

(三)外出須攜帶痰盂否則吐於油紙囊中歸而棄之廁所

(四)病肺者勿嚥痰於腸內恐發腸結核也

五)咯痰後必用冷水或溫湯漱口清潔口腔與咽喉頭始咳嗽談話不致滴沫飛散外

溫州不備書院

(五) 咯痰後必用冷水或溫湯漱口清潔口腔與咽頭始咳嗽談話不致滴沫飛散外方飲食時不致以痰菌嚥下發爲腸結核

(六) 衣服須覆白布時時替換以熱湯浸洗或曝於日光中叮呼將塵埃拍去衣被勿與他人同用

(七) 病者能獨居一室最宜室內勿置裝飾品恐掃除之不到也地板勿鋪毛絨等物尤須時時以水洗之亦宜用濕布揩拭切勿用帚與刷恐細塵飛揚易入肺內也

(八) 病者食器勿與他人混用尤宜以熱湯洗滌之食前必先洗手

(九) 患肺病之母勿乳哺於其子又不可與之同衾

(十) 小兒好以手指及他物入口勿任小兒戲於病室致有塵埃毒物附於手指隨入口中因傳染也

### 除去肺病素因

肺病素因有先天後天之別

先天之素因卽父母有肺病直接傳於後裔也今日名醫皆以遺傳之肺病甚少唯以

病肺者之子有肺病素因致易罹肺病也後天之素因爲生後所受之素因如胸膜炎  
肺炎流行性感冒等疾一也病後或不攝生致身體衰弱二也所營之業有吸入灰塵  
或營胸部壓迫之生業三也此三者均足發生後天之素因也茲先述遺傳素因  
(一)吸清空氣 (二)注意運動 (三)行濕擦法 (四)食物宜植物動物兩種混  
用 (五)衣服須從寒暖然以薄著之習慣爲妙 (六)呼吸操法 (七)坐於椅者  
上身勿前屈 (八)慎選職業 (九)施教育於遺傳素因之人其學業之程度當視  
身體之強弱爲準

除去後天素因之法亦不外上述數端

### 結論

肺病初起而能合法調攝多有生者總以空氣新鮮食品精美居處安適爲首要尤不  
可無嚴密照料之人第肺病治愈以後諸證全消食氣亦振體重增加外觀上似爲全  
愈尙不可視其真已治愈只可目爲一時的治愈蓋以病毒仍伏肺中一有不慎病必  
復發要而言之經醫師療治於種種方面得目爲全治後歷三年或五年不復發者方

爲真全治彼常人所稱病愈云者卽因病機停止營養回復通稱爲帶病延年病證雖未全消而病竈限於一部起石灰變性或由其他之作用而包圍之外呈無害之狀態也總之肺病治愈二三年後均須持復發之思想嚴守各種之攝生

肺病一時的治愈之後就中最宜注意者爲新鮮之空氣佳良之飲食適當之運動事雖尋常不可忽視若遇賓朋明宴會勸酒沉醉頗極危險他如一切之惡習慣均有碍衛生宜痛戒之

世俗所稱參茸桂附溫補之藥均不可服凡報紙廣登告白之治肺藥品不必購服登報揚名之醫不可延聘徒耗資財無裨實際凡人之一身備有天然抵制細菌之力人口鼻時有被阻而逐出者在體內有被細胞所剋制而卽消滅者有爲淋巴核所制而無害者惟人之氣體欠佳時則天然抵制之力有缺而細菌遂得發生

### 餘論

秦越人曰虛而感寒則損其陽陽虛則陰虛損則自上而下一損損於肺皮聚而毛落二損損於心血脈不能榮養臟腑三損損於胃飲食不爲肌膚虛而感熱則損其陰陰

溫州圖書館藏

虛則陽盛損則自下而上一損損於腎骨痿不起於床二損損於肝筋緩不能自收持三損損於脾飲食不能消化自上而下者過於胃則不可治自下而上者過於脾則不可治 壺隱按飲食增自能生血飲食減則血不生血不生則陰不足以配陽勢必五臟齊損越人歸重脾胃旨哉言乎

喻嘉言曰虛勞之證金匱叙於血痺之下可見勞則必勞其精血也榮血傷則五心常熱目昏耳鳴口糜鼻燥呼吸不利乃至飲食不生肌膚營行日遲衛行日速營血與衛氣所迫或吐或衄出血既多火熱并入營血立盡不死何待故血不化精則血痺血痺則新血不生瘀積不行血瘀則榮虛榮虛則發熱熱久則蒸其所瘀之血化而爲蟲遂成勞瘵要以納穀爲寶居常調營衛以安其穀積精自剛居常節嗜慾以生其精至病之甫成惟恃建中復脉爲主治卽精不足者補之以味之旨也至女子血乾經閉發熱不止勞瘵之候更多待其勢成良法莫及

理虛元鑑曰治虛勞之法宜清金補肺以宣清肅之令平肝緩火以安君相之炎培土調中以奠生金之母滋陰補腎以遏陽光之焰一以中和爲治補其虛戢其燄鎮其泛

定其亂解其爭制其過潤其燥疏其淹收其耗散庶有濟也若執辛熱補火之說豈不殆哉

汪纘功曰虛勞之病皆內傷而無外邪也如酒傷肺則濕熱薰蒸肺陰消燦色傷腎則精室空虛相火無制思慮傷心則血耗而火易上炎勞倦傷脾則熱生而內伐真陰惟忿怒傷肝有二鬱怒則肝火內熾而灼血大怒則肝血上升而吐血此五者皆能勞其精血他如婦女經血愆期氣血鬱結以致寒熱食減經期不準或閉絕者多由鬱火內蒸所致也治之有三要法一曰補腎水卽王太僕所謂壯水之主以制陽光朱丹溪所謂滋其陰則火自降也二曰培脾土蓋精生於穀飲食多自能生血化精用甘藥建立中氣土強則金旺金旺則水充三曰慎調攝虛勞多起於憂慮鬱怒必須消遣情懷隨遇皆安然後可療若心有妄動氣隨心散氣散不聚精逐氣亡

汪製保險煎

熟地 生地 天冬 麥冬 玉竹 龜板 茯苓 山藥  
牛膝 桂圓肉 人乳 或用石斛煎湯代水 內熱有汗加川骨皮

內熱無汗加丹皮盜汗加棗仁五味子咳嗽加桑皮百合枇杷葉有痰加貝母咯  
血加藕節童便食少加薏仁泄瀉加山萸蓮肉減二地二冬肺脉無力量加入參  
魏玉橫曰凡虛損病能受溫補者原極易治古人醫案所載大半俱係此證其實與陰  
虛內熱之虛勞了沒交涉也

又曰勞損證已不可爲服藥得法往往得驟愈乃虛陽暫伏也迨數服後證皆仍舊矣  
臨證者知之

俞東扶曰生平所見損怯證大抵真陰虧損居多而用大苦寒大熱補者殊少卽臨證  
指南所載填陰之劑與參耆合陰藥平補或填陰而入血肉有情之品如諸膠諸髓等  
而得效者亦少蓋陽虛易治陰竭難醫惟使脾胃健旺嗜食善化則水穀之精華上供  
於肺而肺以其精華下溉百脈此雖老生常談實係養陰要旨而欲使脾胃健旺首推  
人參卻又非盡仗人參此中機緘一言難罄矣

吳厚先治薛氏子吐血止後忽患心跳振衣或時驚恐用熟地一兩山藥五錢女貞山萸  
枸杞各三錢服二十餘帖本方加元武膠爲丸證頓減此心跳乃虛里之動也經曰胃之

溫州府立醫院



大絡名虛里貫膈絡肺出於左乳下其動振衣宗氣泄也凡患腎虛勞怯者多見此證腎屬水而肺主氣氣爲水母腎虛不納故宗氣上泄而腎水愈竭於下欲納氣歸元惟補補陰配陽爲是耳

魏玉橫曰凡治小兒宜先揣此穴若跳動甚者不可攻伐以其先天不足也此千古未洩之祕珍之貴之

壺隱按臍下若有物築築然振手或小腹旁跳躍振手皆經所云動氣是也若外感證見有此候多因誤表誤下傷其本元

肝腎之氣不藏巨巨奔突宜熟地杞子磁石沉香輩峻養肝腎

丁福保曰無論何人夜間不可緊閉臥室之窗房內宜晝夜通風每日宜行深呼吸深呼吸者宜在日光下潔淨之空氣中挺身直立緊閉其口將肺內之濁氣從鼻孔盡力呼出呼至不能呼於是將外面之清空氣從鼻孔用力吸入吸至不能再吸第一次行完後休息片時再行第二次每日自朝而午而暮可作三回每回可作十餘次其效果能使肺臟擴張肺內之容積變大肺尖因深呼吸之鼓動力亦能盡其功用以營其呼吸豫防肺病療治肺病之法莫妙於此

謝洪賚曰患肺病者宜努力恆處戶外自由之清氣中每日能二十四時在戶外爲上

溫州圖書館藏

上策否則日間常坐臥於屋外夜臥窗戶洞開之室內或日間在窗戶洞開之室中營業夜眠於屋外二者必擇其一凡病者不肯從此條所言其疾難治蓋肺中之勞毒無藥可以攻之惟自由之清氣可以使之消滅故居於戶外卽患肺勞者之奪命丹也有不遵信者雖服盡世界珍藥其病亦不易治

美國醫學博士克諾夫曰肺病療養所中其處置病人不問晝夜恆令其棲息於屋外日間則倚睡於長椅或隨意散步或作深呼吸之習練夜間就寢必大開其窗常人於此必疑爲非病者之所宜不知此正所以爲療肺之良法也彼等朝夕處於新鮮空氣中已成習慣雖風雨交作氣候變更之際彼等仍憩息於廊下甚安然也

丁仲祐自序虛勞講義云婦女所患之結核證其所異者有數端焉女子結核病進行時往往不妊娠然在結核初期受胎者亦不少夫受胎及分娩能使潛伏之結核發生其未全愈之結核且能增進其病勢因此而速其死者約占四分之一三故婦女患結核而有懷孕者最爲危險又有胎盤結核者其胎盤雖爲通常之狀態而母體面之組織內每有散在性之圓形結節透明如粟粒大呈灰白色以顯微鏡視之其病竈內可證

明其結核菌也其結核菌有自母體通胎盤而傳播於胎兒者此先天性結核之新說也又有兩側喇叭管患結核者每犯及腹膜內而爲腹膜結核焉凡此種種皆爲婦女患結核之特徵因識之爲學者告焉

馬元儀曰陽虛有二有胃中之陽後天所生者也有腎中之陽先天所基者也胃中之陽喜升浮虛則反陷於下再行斂降則生氣遏抑不伸腎中之陽貴凝降勞則浮於上若行升發則真氣消亡立至此陽虛之治有不同也陰虛有三如肺胃之陰則津液也心脾之陰則血脈也肝腎之陰則真精也液生於氣惟清潤之品可以生之精生於味非粘膩之物不能填之血生於水穀非調補中州不能化之此陰虛之治有不同也

李士材曰土旺則金生毋拘拘於保肺水壯則火熄毋汲汲於清心此四語頗爲簡當慎柔和尙曰損病六脉俱數聲啞口中生瘡晝夜發熱無間此真陰虛也用四君加黃耆山藥蓮肉白芍五味子麥冬煎去頭煎不用止服第二三煎此養脾陰祕法也服十餘日熱退瘡愈方用丸劑如參苓白朮散亦去頭煎曬乾爲末陳米鍋焦打糊爲丸如綠豆大每日服三錢蓋煎去頭煎則燥味皆去遂成甘淡之味淡養胃氣微甘養脾陰

先師祕授毋輕忽焉黃履素折肱漫錄亦云神妙祕法陳修園謂土本無味無味卽爲淡故味淡者皆屬於土如茯苓山藥石斛之類是也脾爲五臟之本淡爲五味之本取無味之味以補脾誠祕法也

裴兆期曰補虛之最切要者在扶胃氣胃氣強則飲食進飲食進則氣血生今醫者動以歸地參耆朮甘爲補葯究竟皆甜膩壅膈之物胃強者尙可胃弱者服之不脹則瀉不瀉則嘔吐不食病未有不增者也凡用補藥必先瀉邪邪去則補藥得力若專事補而不知邪氣之當瀉補必爲害

又曰虛勞病本是陰虛卽用二地二冬當歸知母元參未爲不是但此劑寒涼濡潤在水穀未減之時用此治標則可若多服久服恐絕脾胃生化之源而爲卻穀減餐者經曰血乃水穀之精生化於脾又曰脾爲至陰人之陰虛乃脾虛也脾土一虛則生化之源竭何能運行水穀而成陰血乎故進滋補者當時時以飲食進退爲消息但見咳劇食減急思調和脾胃兼行氣清金等藥司命者其知之

西醫簡易療病法云肺勞病服藥概無效驗爰述妙法如左

溫州不傷

一吸新鮮之空氣 二宜 平日常在空場散步或居高樓窗戶洞開夜亦不閉

多接觸日光 三宜改 肺勞菌最畏日光時曝日光有益惟夏日可坐樹蔭中

換職業 四宜怡情悅 如教員學生皮貨業燒灰開礦者宜改航海山居農業

性 五宜實行呼吸法 或種花或調鳥或弄絲竹或與知己談笑勿自憂戚

每日晨起面東直立將肺中濁氣從口呼出即閉口用鼻將新鮮空氣吸入吸氣宜長

吸後開口使濁氣呼出再用鼻吸入空氣反覆行之約數十次甚効惟以口呼吸則有

害 六宜多攝取滋養品 與其服殺菌藥以傷腸胃不如多服雞蛋牛乳豆腐

百合瘦牛肉鮮蔬菜

朱笏雲曰結核菌之蔓延不問貴賤貧富罔不傳染自十五歲至四十歲尤易被其侵襲若五六十歲則不怕傳染然人之器臟本具有殺菌之機能至不能殺菌而反爲所侵則有種種原因焉原因於體質者如顏白頰赤頸細長胸扁平骨格狹長筋肉瘦削皮下脂肪缺乏皮膚薄弱之人易罹結核是也原因於職業者如學者官吏教員學生社會員成衣匠及礦山之工夫紡績之工女等易罹結核是也原因於疾病者如麻

疹百日咳流行性感冒糖尿病血液及心臟病麻刺利亞呼吸器加答兒黴毒及淋病  
精神病肋膜炎等患者每續發結核是也原因於不攝生者如運動不足營養不良酒  
色過度精神憂鬱與在不潔之空氣中行過劇之勞働之人皆易罹結核是也他如發  
熱盜汗咳嗽咯痰咯血顏色蒼白肌肉消瘦呼吸困難心機衰弱等皆自覺證狀也打  
診之濁音鼓音聽診之囉音氣管支呼吸音皆他覺證狀也大抵初期十可治七八二  
期十可治五六其必死無疑者僅末期重證耳

溫州不備書院

肺勞中西合纂刊誤

上卷 葉數 正面行數

誤 正

反面行數

誤 正

佐餘論以當作佐以餘論

儻作儻身上缺一字

出泌當作分泌

能空洞當作若空洞

含膿狀下缺發字

皮膚當作皮膚

點靜當作默靜

呼吸下缺法字

各地下缺均字

云陰當作亡陰

一

五

七

十

十七

十九

十

三

富當作而富

則下缺肺字

二

一三

四

五

八

一三

六

八

二

一

下卷

葉數

正面行數

誤

正

反面行數

誤

正

一

四

心瀉當作瀉心

二

五

一聲當作聲一

三

五

末略期當作末期略

六

四

位下缺於字

八

六

一次當作三次

八

宜下多字衍

十二

十二

治音下當加瘡字

一六

十

英文下當加三、〇

一七

九

因傳當作因之傳

五

慣下缺者字

一八

五

明下明字衍

二〇

九

不能下缺再字

二一

七

肝腎當作腎肝

一一

此養當作此爲養

二二

一

題上當加(附錄)二字





温州市图书馆

WENZHOU LIBRARY

